


文苑英華

四



表

陳情 自叙附

請致士 謝附

太子公主上請 僧請附

請朝覲 雜上請

進文章

文苑英華

六百一之六十四

陳情

陳情表二卷英華所編
代先後今正之

陳情表

陳情表一首

為人陳情表一首

陳情表一首

為水潦災異陳情表一首

為任虛白陳情表一首

陳情表一首

陳情表三首

初至蕪州上訖陳情表一首

辭上滑州刺史陳情表一首

為崔僕射陳情表一首

代高尚書陳情表一首

為趙侍郎陳情表一首

陳情表

陳文帝時

沈炯

臣嬰生不幸弱冠而孤母

英華作
諸

子零丁兄弟相長謹身

為養仕不擇官承襲朝命偶在亂世

一作官成梁
朝命存亂世

冒危履

險自死輕生妻息誅夷昆季屠

真

滅但餘老母一作餘
臣母子

得逢興運臣母妾劉今年八十有一臣叔母妾立七十有

五私

一作

門弟姪故自無人妾立兒孫又及仁民兩家侍

養餘臣一人前帝知臣之孤莞眷臣以州里不欲使頓居

草萊又復矜臣溫清所以一年之內再三休沐臣之屢披

丹款頻冒宸鑒非欲苟避

違

一作朝廷遠離畿輦一者以年

將六十湯火居心每跪讀家書前懼後喜溫枕扇席無復

成童二者職居彝憲邦之司直若自虧身禮何問國章前

德綢繆始許哀放內侍近臣多悉此旨正以選賢與能廣

求明哲越趨荏苒未始取才而上玄降戾奄至今日德音

在耳墳土遽乾悠悠昊天哀此困

一作

極兼臣私心煎切

彌迫近時悽悽之祈轉忘塵觸伏惟陛下睿哲聰明嗣興

下武刑于四海弘此孝治寸管求天仰歸帳

一作

哀有感

必應實望明時

一作

特乞霈然申其私禮則王者之德賈

及無方矧彼翔沈孰非涵養

云云

一作皆陳書本傳



為人陳情表

陳子昂

臣某言臣門衰祚薄少遭險豐行年三歲嚴父早亡慈母
 鞠育哀惓相養臣又疴羸少多疾病集作疹零丁孤苦僅得
 成人老母愍集作憫臣孤薄恐不能負荷教誨師氏訓以義
 方家貧無資績紡集作績以給束脩衣褐並出母指臣既無
 姊妹寡有兄弟集作弟衡門獨立唯形與影母子相視惓惓
 靡依罹此艱虞歷二十歲臣稍以成立忝跡朝班薄祿微
 資始期色養私情獲遂集作既獲母子同集作相歡殃罰不圖老
 母見背攀號何及泣血漣沔于時日月非便集作宜權殞京
 兆歲序遷速於今若干年臣本貴河東墳隧無改先
 人丘壠桑梓猶存而老集作謀母客居未歸舊土宿草滋蔓
集作成列拱樹荒涼興言感傷增以崩咽今卜居宅兆將入舊
 塋明年吉辰最是良便過於此際集作此際未有克期集作

齒王人職在驅役今歲奉使已至居延單行虜庭絕漠千
 里臣雖萬死無答鴻恩恐先朝露有負老母集作眷知伏惟陛
 下仁隱自天孝思在物哀臣孤苦降鑿幽微集作冥使臣來
 年得營葬具斬草舊域合骨先墳保送羈靈集作魂獲申子
 道烏鳥之志已集作獲遂私情遷舉事終集作空事畢馳影奔赴
 雖其集作即殞歿甘心無恨集作憾云云

陳情表 高宗

負半千 咸亨中

臣某言臣貧窮孤露家資不滿千錢乳杖藜糗朝夕纔充
 一飯有田三十畝有粟五十石聞陛下封神嶽舉英才集作書
集作賢貨賣以充糧食奔走而歸帝里京官九品無瓜
 葛之親立身三十有餘志懷松柏之操不能糴賤販貴取
 利於錐刀斛酒隻雞求舉將何以辨投匭進款奉勅送天
 官捧以當心似懸龍鏡家乏以守若戴鼇山於今立身未

蒙一任臣恨不能益國死將以選地不賜臣一職剖判疑滯移風易俗以報陛下深恩若使臣平章軍國變理陰陽臣不如稷契若使臣十年成賦一代稱美臣不如左太沖若使臣荷戈出戰除兇去逆臣不如李廣若使臣七步成文一定無改臣不愧子建若使臣飛書走檄援筆立成臣不愧枚臯陛下何惜玉階前方寸地不使臣披露肝膽抑揚辭翰請陛下召天下才子三五千人與臣同試詩策判牋表論勒字數定一人在前疑作先者陛下斬臣頭粉臣骨懸於都市以謝天下才子望陛下收臣才與臣官如用臣芻蕘之言一辭一句敢於玉階之前如棄臣微見即燒詩書焚筆硯獨坐幽巖看陛下召得何人舉得何士無任鬱鬱結之至

為水潦災異陳情表

武后

李嶠

臣嶠言臣聞明主程才先求於稱職忠臣効用必務於量已然後庶官無廢百度以康若使假鳳登朝真龍不馭將緣鶴之鼎方憂於折足和鸞之駕必誠於傾軛豈徒鍾鼓生祆蠻夷起笑而已臣瓶筲賤器駑蹇輕姿同鼯鼠之五伎不成異飛鴻之六翮兼備邀逢幸會累叨階級陛下降非常之澤垂不次之恩昇之冢司握九流之銓管委以樞近叅萬機之損益傳說作舟之命徒奉箴規仲山補袞之談曾微答効致令衡鏡失序綱紀不張官寮日增府庫歲減謬職之謗或譏於畫武續貂敗官之尤有議於誼盧吠韓盧宋鷓狀下生朝野之蠹上悖陰陽之和水潦為災鵠名或作鷓於昏墊黎氓失稔憂在於溝壑軫皇情於南面墜國庾於西成虧變理之節失平分之度推其咎戾實在微臣昔者堯逢阻飢而四岳次口訪漢遇災異而三公策免舉遺才

而求俊乂退不肖而清庶官厥有由來著乎古昔臣緝熙
莫効尸曠無成以擁腫之凡材抱支離之痼疾久懷致寇
之祿猶帶妨官之綬覲目而視不遑自安是用啓處慙惶
寢興誠惕思解鵜鷓之服願辭鷓鷩之行庶得保愚公之
廬避賢者之路以寧衆口之譏謗以答三靈之譴咎則物
情朝序誰不謂宜昔干木辭第怕思衛主營平寢瘝不忘
憂國當今兵戎未靜費務方多人庶空虛官寮苟且不可
不深爲防慮妙思政術臣銜恩佩德念咎慙榮雖智効無
聞自甘於罷黜而庸短所見猶樂於輸盡不勝區區之意
謹昧死陳利害事一封幸當明主不諱之朝敢効愚臣無
隱之節儻蒙赦其狂直收其固陋乃冀有益纖芥効
微作添山海無任悚懼懇誠之至謹詣朝堂奉表陳
情以聞

爲任虛白陳情表 武后

吳少微

臣某言臣亡父某昔在聖朝累蒙進任亟登麟閣績校祕
文衛迹鳳池胡謀神化內陳青瑣之拜出有朱輪之寵何
其休哉而恩榮未報豐禍潛起闔門而就拘連頸而待戮
陛下發雲輅一作雲霓或作雲霓之彩迴霜電之威捨過好生全棄
嶺表一蒙渙汗欣借命之恩萬里奔波無乞骸之望竄身
邊裔皓首荒隅以臨年之危坐炎方之瘴雖欲勿死其可
得乎遠謝闕庭奄先泉路旅櫬期朽今猶未還興言血下
號懼交集臣某 中謝陛下通天之歲復降恩勅追魏某崔
某及臣亡父等赴都元忠或入處台相出臨蕃牧門庭曜
軒組之榮妻子厭梁錦之美其李乙雖死亦蒙贈官子某
又登微顯 一作職准臣一門之內存亡俱不霑恩臣之不天
亦胡顏上訴然比生則孤臣豈敢同死則在李獨優皇天

平分豈其偏施伏惟皇帝陛下惠育羣生無幽不燭臣之
孤苦皇天所鑒久終嶺外喪在關中宇宙雖廣無一塵之
地弟妹幼稚絕斗春之儲兩樞雙魂未遑安厝臣所以鯁
情割懇忍而未死者竊爲此耳儻雲雨之賜覆潤無私則
南有歸來之魂北無高堂之位臣之罪也不任崩迫之至
謹奉表以聞輕觸宸嚴伏知待罪

陳情表 玄宗

張文成 開元初

萬死糞土臣文成言臣忝朝班幸蒙驅策不了一使罪應
至死自可鉗口吞聲伏待刑書灰身粉骨甘從斧鉞豈可
昆蟲惜命雀鼠貪生區區微心有所未盡臣平生好學頗
愛文章雖不逮於詞人濫流傳於視草近來撰集詩賦表記
等若干卷編集擬進繕寫未周負譴明時方從極典恐士
衡止息華亭之唳不聞嵇康顧影廣陵之音永絕鈇簡零
落抱痛幽泉昔司馬遷請就腐刑以終史記漢武帝愍其
至懇矜而許之伏願陛下遂臣萬請之心寬臣百日之命
集錄繕寫奉進闕庭微願獲申就死無恨然則歸罪廷尉
肆諸市朝腰領橫分有同仙化一作肝腦塗地百代如生
骸骨埋塵千載不朽無任迫切之至

陳情表 已見五百七十九卷

張說

第二表 已見五百七十九卷

前人

同前

蘇頌

臣某言伏奉今月十三日制鑾駕閏九月十日幸長安陞
下東封禮還西賓係望顙顙品物不獨耆老屬黃壤年豐
翠華時邁制書爰降懇願咸達相聚抃躍不知所裁跡誼
路衢聲溢歌頌若臣者奉辭軒幄縈疾鎬京常恐先犬馬
填溝壑朝聞旣獲瞑目猶生臣某誠歡誠喜頓首頓首死

罪死罪臣彌曠旬深官曹事缺乞解見職罄陳前表又伏奉
今月五日勅以留司務閑不妨醫療所請辭官不須者臣
志不動天身容何地周章慙悸惶駭戰慄退則恩被羽翼
德均造化臣之不敢止也進則匍匐卒遂支羸莽然臣之
不能任也臣所進退失守涕洟嗚咽宜其重請骸骨豈
可虛榮省署竊以鴻私俾療成貸特矜日夜翹清蹕之途
炎涼近素秋之節臣希眇視跛履手之足之覬憑渥以還
魂輒延慈而待罪不勝悚踴怖懼之切謹附起居使朝議
郎右補闕內供奉臣李鄰奉表以聞臣無任

初至益州上訖陳情表

前人

臣某言奉辭闕庭馳詣州府以某月日上訖臣某中謝臣
稟識庸妄受恩忝越十有四年中書省三命承明廬臣竊
比方倍逾於是特編疑皇揆不以人進久於近密衆莫過臣

厚施如丘山微功罕絲髮遂叨宰弼莫允瞻望心慮何補
血誠徒勤陛下深慈矜愚至德念舊以臣頗習儒訓更超
宗伯臣益用慙負匪遑底寧豈悟西南重鎮巴蜀奧壤爰
雜縣道且聯軍戎付臣兼之才實不逮疑審疑自惟省亟
經聞徹誠謂憑威可盡力諭指期致命臣敢辭事誰去効
忠及當官而行臨事益懼者竟乏邊鄙之筭儻貽朝廷之
厚其於靜人蠲役懲吏抑強惟國之政庶臣能勉流波出
浦而嗚咽玄鷲辭巢而顧慕況若臣者最蒙聖渥雲山萬
里霄漢獨遠一載惕拜章失圖無任

辭上滑州刺史陳情表

李邕

臣某言臣素無藝能積負訕謗衆口之多自可銷金怨讎
之心每堪殞首伏惟陛下至明大聖察之纖微淳德上仁
洗之瑕穢山川納者不擇薰蕕天地覆之是霑雨露且又

荷惠渥大底官榮今臣蒙國用累及軀命事出涯分之外
恩加父母之深已逝之魂復歸朽質既存之地更忝高班
雖欲殺身未能報德彌慙持祿有以保名秋鷺將辭必徘徊
於大厦老馬離秣終顧步於華軒況臣今茲六十有七
光陰荏苒行止歌危就木之時未知幾日懸車之歲僅有
三年不任違遠涕戀之至

為崔僕射陳情表代宗

于邵

臣某言臣聞行師命將必先保大服戎共武方議膚公所
以協和軍蒐戡定時難伏惟寶應元聖文武皇帝陛下誕
膺天命以撫方夏洪惟眷圖用征不惠上敬天授下咨人
力則殊方異俗罔不率俾蠢茲西戎猶肆逆命勞我薄伐
示人有征夷不亂華自宜殄滅盈不可久神亦禍淫天之
道也臣近得上都所由報狀伏承受相府元帥之寄領漁
陽突騎之衆分邠土鎮守之師內無所疑外無所怨上讓
下競禮合義均不為身謀同獎王室此皆陛下明為元首
德洽蓋臣夷吾必知其小大孔明遂均於魚水不然豈同
德度力偶俱無猜以此討戎何戎不滅以此論道何道不
平臣蒙國寵靈榮加九族功慙白馬位達綠車每承聖敬
日躋輒願殺身是効今日之會實契丹誠無任感時悃款之
至謹遣某官某奉表陳情以聞

代高尚書陳情表

臣某言臣本凡才智略無取因緣際會驟歷班榮分闔尹
京實為庶忝頃鳳翔之日蕃漢憑陵臣嘗激勵羌渾竟
勤一作摧我虜方將席卷永息邊虞旋奉德音遽令入奏微
誠莫展殃豐已鍾痛骨摧心載崩載咽荼毒未幾起復舊
官累表陳乞不蒙允許及犬戎構禍憑陵京城陛下授臣

檢校刑部尚書都知元帥中軍兵馬使雖承恩命未有軍
行麾下之人纔盈數騎空懷赴難莫克死綏仰天椎心伏
增憤激不踰信宿便屬蒼黃未知鑿駕東巡且欲荆襄陪
扈累遭剽掠始達藍田更逢子儀留臣計事招集亡散共
收上都比至入城又奏臣住奔波險阻契闊山川進慙將
帥之臣退羞羈縶之僕顧惟狼狽寢寐兢惶臣某誠惶誠
恐頓首頓首死罪死罪今又亡母在殯欲祔舊塋先遠戒
期正當此月干戈之際寇盜為虞小有不安永負生疑作
母願終子道以奉亡靈儻封樹有成雖殞越無恨伏望許
臣畢事之日得令奔走陝郊碎首行間甘心罪責無任兢
灼屏營之至

為趙侍郎陳情表

臣某言臣以固陋累蒙獎擢猥廁朝列與羣賢並始自給
事驟遷侍郎贊貳冬官典司邦教屬師旅之後庶政從權
會府舊章多所曠廢唯禮部兵部度支職務尚存頗同往
昔餘曹空閒案牘全稀一飯而歸竟日無事此臣所以寢
興長想俛仰增慙何則受恩至深報德無所未裨毫髮虛
費稻粱伏以人君命官期於述職人臣量力不叨非據寧
有食君上之祿為保妻子之謀臣內顧塵忝尤增愧懼頃
陛下躬決庶務萬方不言而理遠近承式幸當天下無事
未敢上塵其愚今承嗣背德阻兵全魏靈曜失道謀亂大
梁犬戎為患獯虜伺隙雖禍盈惡稔終冀梟夷而調兵轉
粟在彼疲弊乃羣下憂國之日微臣赴難之秋况諸道牧
守闕人頗眾是敢不揆薄劣特祈任使如或領一郡或統
數城綏懷將卒招復逃散近當狂寇俯制奔衝必使人業
耕桑盜無充斥昔子建之表懇求自試充國之對無踰老

臣豈徒冒寵干榮竇欲酬恩立節臣年甫知命筋力猶強
策勵驚蹇度成萬一無任懇悃迫切之至

文苑英華卷第六百一

登仕郎胡柯 鄉貢進士彭叔夏 校正

文苑英華卷第六百二

表五十

陳情二 自叙附

為河南魏尹謝官陳情表一首

劉相請女壻潘炎罷元帥判官陳情表一首

謝試祕書少監陳情表一首

為崔大夫陳情表一首 為王戶部叔文陳情表一首

為崔相陳情表一首 為濮陽公陳情表一首

自叙表一首 出官後自叙表一首

為河南魏尹謝官陳情表 代宗 常袞 廣德元年

臣少遊言伏奉恩制除臣某州刺史尋即有替又蒙恩除

臣河南 唐書作 京兆 尹澤及遐荒榮霑枯朽以驚以惕載抃載

歡臣少遊誠歡誠喜頓首頓首臣名無德稱官偶時來政

謝有經文慙無害朝恩早竊班命累塵每食皆浮何官不

曠四三年內榮至崇高萬一分中効仍微薄踰涯若此招

損宜然頃者獲罪于天躋身無地曲承鴻霈仍佐隼旗省

揆責輕寢興憂負豈圖昭洗瑕穢發生羽毛不次之恩九

霄橫落無階之位四裔超登開散皇明龍銜巨燭捧酬玄

造齏戴崇山且河洛軍輿 疑作 京尹 寄切念臣術非鈞距

識昧平反將何以肅清茲回董正人吏自蒙獎擢願覲天

慈限以阻脩未承勅命傳聞尚感 疑作 感 奔赴終勤以七月

一日發自渠州星言即路夕冒炎瘴因成癘疢行役支離

轉加沉瘵隙光是迫草露將危今月四日乘輿至漢中尋

問醫藥直省王許佺至奉宣進止促臣行程震威俯臨

精魄飛散進退無措屏營失圖即以今日驅策殘骸載馳

鳳闕猶冀獲全餘喘祇謁龍顏犬馬之疾久纏螻蟻之誠

愈結無任感戴懇迫之至謹因直省王許佺迴謹奉表陳

謝以聞臣少遊誠惶誠恐頓首頓首謹言

劉相請女壻潘炎罷元帥判官陳情表代宗王諫

臣晏言臣實凡淺謬典樞衡元元未安庶政多闕消塵罕錄尸素空慙臣女壻元帥判官駕部員外郎知制誥潘炎入侍帷幄又司戎政嫌疑之地顛沛是憂頃者累表陳聞冀炎得歸省闈不謂天聽未達尚阻愚誠內懷冰炭若墜泉谷臣某誠惶誠恐臣聞統天下者以天下舉直措枉不私其親故能啓至公之門塞羣邪之務伏惟元聖文武皇帝陛下紹休聖緒惟新寶曆內釐百揆外清四海鸞鷲之士充庭漸階而臣與潘炎俱叅近密兵權國政在臣二人是使惡炎者易爲辭嫉臣者易爲毀儻炎獲戾臣無以見雪脫臣遇謗炎無以自明此臣所以寤寐兢惶罔知攸止昔霍光爲大司馬長女壻度遼將軍范明友次女壻羽林監任勝爲東西宮衛尉威勢崇重冠於一時不能抑退卒見傾覆前史所惡書而貶之又劉弘爲鎮南將軍事時朝廷以其女壻夏侯陟爲襄陽太守弘表陟親戚舊制不得相監有詔聽從竟免禍敗先賢所尚美而書之臣雖才謝古人智不經遠每憂覆餗大懼妨賢竊惟瓜李之嫌寧望桑藿之許一作今是以瀝肝上請昧死聞天必元帥藉炎諮謀則臣甘引退如或廟堂留臣擇用伏願終許罷炎庶遂劉弘之心無成子孟之禍無任懇願迫切之至

謝試祕書少監陳情表

蕭華

臣某言伏奉制書以臣試祕書少監恩出意表榮超望外循涯揣分以慙以悚臣華中謝臣素庸懦又乏智謀進不能殺身以自明退不能拂衣以遠禍蒙昧昏虐僂俛歲時每讀李陵之書備見前賢之意以爲虛死不如立節成名

不如報德常恐溘先犬馬湮沒羯胡上負君親之恩下貽
妻子之耻何嘗不仰南雲而歎息瞻北闕而銷魂偷生苟
安蓋所以誓將骸骨歸死朝廷伏賴陛下察以愚衷每垂
保護遂得潛通間使遠請官軍收金州而功不踰時掃餘
孽而兵無血刃陛下矜臣一介之節捨臣萬死之罪念臣
簪履之舊納臣葵藿之誠許歸故國之田園退守先人之
墳墓則在臣之志願榮望畢矣陛下之聖恩於臣深矣豈
期皇慈廣被玄造曲成拔臣於泥滓之中致臣於雲霄之
上已蒙殊獎遽典雄藩旋沐後恩復登蓬閣空慙有命竊
愧無能將何以發揮儒林潤色鴻葉稠疊恩意感戴難勝
豈臣隕越所能上報無任悚荷屏營之至

為崔大夫陳情表

代宗

李舟

臣某言臣素以庸虛百無所取肅宗委臣方面擢尹兩京
蓋以天寶末年祿山干命臣未有職位客遊陳州賊兵過
河官吏奔竄臣義集驍勇亟摧賊鋒以閭閻之人當幽薊
之卒勢相懸倍不顧死亡臣之輕生實著誠素今者迴紇
代立求援聖朝陛下大布皇威加其冊禮爰膺將命實受
寵光又其道路無虞夏虜一作虜帳尤近擁旌仗節持憲珥貂
銜非常之詔書寵內附之蕃落去獲重貺歸成大勲雖潦
倒之人衰朽之士亦宜據鞍增氣叱馭前驅況臣常在軍
戎未至遲暮豈不欲保微臣之富貴求陛下之恩私哉其
理必至顛沛必至廢闕隱而不露何以事君臣往在宣州
曾卒得癩疾三日三夜都無人自此已來發無時候或
輕或重或疾或遲此病所來得於風熱常因冒暑失食及冬
衣太溫兼食羊肉立即發動若過積之後更無菜蔬苦寒
之地須加狐貂又於藥物不得及時則微臣必不全活且

螻蟻之命誠何足言但恐敗事有失前期稽恩廢禮伏願
陛下以臣此表徧訪朝臣言若涉虛事近辭避伏願加以
斧鑕肆諸市朝且使將來永息欺詐無任哀懇迫切之至

為王戶部叔文陳情表

柳宗元

臣某言臣母劉氏今月丁三日忽患暗瘳集作瘳風發動狀候
非常今雖似退猶甚虛憒驚惶憂苦不知所圖臣唯一身
更無兄弟侍疾嘗藥難闕須臾伏乞聖恩停臣所職今
臣見在家扶持其官吏等並已發遣訖臣以庸微特承顧
遇拔自卑品委以劇司夙夜兢惶唯思答効至誠至懇天
睠所知豈慮未効消塵遽迫方寸以開塞重輕之務加焦
勞皇集作憂灼之懷雖欲徇公無由枉志况忠孝同道臣子
一心許國誠切於死生報親忍忘於顧復進退窮蹙昧死
上陳候母劉氏疾疢小瘳冀微臣驚蹇再効無任惶懼懇

倒哀鳴

類表作鳴咽

之至

為崔相陳情表

白居易

臣植言臣有情事久未敢言今輒陳露伏增戰灼臣亡父
某官亡妣某氏是臣本生亡伯某官某贈某官臣今承後
建中初德宗皇帝念臣亡伯位高無後以猶子之義命臣
繼紹仍賜臣名嗣襲雖移孝思則在上荷君命俾集作承
承繼絕之宗中奪私恩遂阻劬勞之報歲月曠久情禮莫
申自去年已來累有慶澤凡在朝列再蒙追榮或有陳乞
皆許迴授況臣猥當寵擢謬陟台階爵祿之榮實有踰於
同輩顯揚之命獨未及於先人飲泣茹悲哀慙兩極臣
今請以在身官秩并前後合叙勲封特乞聖慈迴充追贈
僅免所請無幸於斯則臣烏鳥之心集作微猶再生而展養
犬馬之力誓萬死以酬恩躋地仰天不勝感咽披陳誠懇

煩黷宸嚴無任惶懼激切之至謹奉表陳露以聞

為濮陽公陳情表

李商隱

臣某言臣聞事君以忠者所宜効死食君之祿者亦戒妨

賢苟非內慊私誠外憂官謗則安肯固辭武節強委侯集作信

圭拒七命賜國之榮捨萬里封侯之策必知不可安敢無

言臣某中謝臣因緣代業遭逢集作聖時竊常有志

四方不掃一室奉隋左傳范武子即隋會至隋始改隨為隋武之家事

無媿陳辭范武子之德何如曰夫子之家事纂鄧傳之門

風不傷清議屬者每憂不試深耻因媒自薦之書朝投象

魏殊常之澤暮降芸香其後契闊星霜羈離戎旅從軍王

粲徒感所知掌集作草檄陳琳亦常交辟呂元膺東周保釐

之日李師古天平畔集作叛換之時潛入其徒盈於留邸臣

此時尚持白簡猶着青袍元膺知臣傳劔論兵本於仁信

佩鞬插羽亦識孤虛俾以發姦假之捕盜幸無容忍集作刃

以及焚巢旋帶銀章俄分竹使隼旗楚峽出以分憂熊軾

鄭城忽然通貴豈意復踰五嶺更授再麾中間叨相青宮

忝司緹騎纒通閨籍又處藩條越并朝臺備經艱險貪泉

涓漢武帝紀下涓水涓水出涓陽縣今屬英州改作真陽集作涓水益勵平生是甘馬革之言常

懼武皮之誚及聖造遠流南極許拱北辰黃犢留官胡牀

掛柱如生羽翼若出嬰羅誓以歸彼冗負處之散地俄以

朝那闕守昆壤涓人一去闕庭五雁寒燠處京畿五百里

之內控蕃寇數十州之多提鼓燒烽增埤濬洫雖國家遠

追集作勅上策不事交爭然虵豕難防犬羊易縱苟罷嚴徹

警則負約渝盟臣自受命已來為日斯久未嘗一食不修

戰格未嘗一日不數軍儲使士有鬪心人無虛額使之偵

候咸亦聞知尚未能率勵驍雄揣摩鋒鏑遠收麻壘直取

大亭成大朝經武之威畢微臣報主之分可書竹帛不辱
旂常蓋以久處炎荒備熏瘴毒內搵心力外耗筋骸雖馬
援據鞍尚能矍鑠而班超攬鏡不覺蕭蕭衰恐無以早集作
就大功久當重任自思已熟求退為宜伏惟皇帝陛下道
冠百王功高三代照臨若日覆露如天況今國不乏人時
稱多士有才略在臣之右齒髮少臣之年俾代處是邦遞
臨斯位以之責効誰曰不然俾前達後生皆無蔽滯由中
及外得以交相成陛下適時之方減微臣固寵之責臣不
勝祈恩懇迫之至謹差某官某奉表以聞

自叙表

李嶠

臣嶠言奉今月十七日口勅令臣等各自述行能進者臣
以蒙鄙遭逢休歷陛下降非常之遇垂不次之恩擢處等
班超登近侍上感皇明識遇之厚下憂忝冒負乘之責常
願肝腦塗地以報所天魂魄歸泉不忘結草至於欲披誠
款曲盡智能竭心本朝輸力明主此臣日夜之所思念曾
襟之所蓄積豈敢更為進退苟事廉隅固守撝謙坐節邊
幅臣早遭凶閔素甘賤貧少纏羸病不任勞苦從仕代飢
寒之役徇祿無顯達之心修身懼於辱先履道期於遠害
見強禦之為患也故處之以謙卑知刻薄之為尤也故行
之以仁恕慕退讓不敢從馳競之流誠貪殘不敢為絲髮
之犯若乃溫良誠信之道忠孝友悌之規莫不仰承聖風
俯蹈家訓東太平之名教移中人之志業及其屏私昵忘
比周內無數術之機外絕朋附之黨一心奉主介然孤立
此臣之所以登朝廷而事明聖全直道而勗身名者也夫
臣事君有死無貳見危則致其命當事則先其勞有罪不
敢辭有能不敢隱是以西戎不靜充國自銜其謀南越未

賓終軍思越顯其難臣幸蒙採擇得備驅馳若使飾固陋之心竭驚蹇之用勉之以匪懈將之以至公則雖簿領百端樞衡衆務亦淺深而必効何難易之敢辭哉蓋明主程材以建官忠臣量已以受職是故輪轅異適水火殊用當其才則事逸而功倍乖其分則形勞而績虧陛下棄短收長循名責實使得効其薄伎申其末用則臣之淺術可得而言臣曾涉經典篤好文史漸六藝之腴潤馳百家之閫闕至若操觚秉牘紀事屬辭雖竊比老彭誠未擬先哲而上追班馬敢自強於後進陛下以欽明撫運齊聖握圖冠千齡而首出超百王而高視德澤汪濊典章明密至道共八風俱翔神功與四時並運是以衆庶悅豫符瑞肘蠶九服清夷百蠻職貢而嵩高梁父未循疑作修昭報之壇禮官儒林不輯昇平之頌使鴻名有時而鬱良史靡得而稱

臣竊懼焉昔成康之隆頌聲並作武宣之盛文章間起虞德茂而臯繇作歌魯道興而奚斯有述然後功業顯乎代德音昭乎聲若夫褒叙中和憲章大雅通諷諭之旨抒嗟歎之懷此臣子之舊經國家之前式不可闕也臣幸得沐浴恩造伏事軒墀目覩邕熙心積憤懣思陳愚瞽庶存萬一徒以牽迫賤事卒卒無須臾之閑頓伏疇羸軋軋多沉滯之思常恐犯霧露填溝壑不獲贊揚上德攄布下情生為負義之人死為辜恩之鬼是用終朝三省達夜九迴撫心刻意屏營反側儻獲參名芸閣假跡蓬山探石室之祕文覽金版之遺籍聽歌探頌以觀四方之風講藝論詩以崇三代之式第其科目載之簡編大以薦陳郊廟報享成功小以敷布樂章潤色鴻業使宏勳播於金石盛德流乎舞詠光濟於當日洋被於來葉然後退歿草澤下入幽泉

猶生之年也冒陳愚懇惟陛下察焉臣嶠誠惶誠恐頓首頓首

出官後自叙表

德宗

齊映

臣某言伏以臣之依君猶子之依父若心有憂患口不陳聞則是孤負恩慈自取禍敗臣某中謝臣去八月十九日陛下賜臣蔭官詔去漕運成功擢居東掖者臣俯慙光寵上感聖明粉骨糜軀匪申報効臣昨東都主軍之日是上都闕糧之時賊光李懷光也未平蝗蟲方甚臣於河陰領米分付陝州務相催驅不敢迴避其時王事至切臣官最卑臣心雖守謙恭公事亦多抵誤猶蒙陛下遣段日暹宣慰於臣處事之難臣有微功實由天庇及臣延英對日不敢一言自陳怒臣者疑臣以張身疑作聲勢憂臣者料臣必投魍魅今臣貶官自緣親累聖恩猶與上州自然宿怒未平因恐小人

承便臣既在遠還固易誣痛則呼天實在今日憂之切者謹陳一端往者張鎰在鳳翔之時奏留却營田副使張信之得罪自為犯賊以臣不與往還於臣便生疑怨一昨秋夏之際張信之多在上都自臣貶黜已來不知今向何處但慮知臣在近又知執政恠臣必恐求媚取容構虛逞怨儻有罪戾聞於聖聽乞降三司審推則臣萬死無恨方當黜責猶恃恩私仰望天顏實如咫尺無任憂迫恃恩之至

文苑英華卷第六百二

登仕郎胡

柯

鄉貢進士彭

叔夏

校正

請致仕一

致仕表二卷英華所編
失年代先後今正之

為閩大將軍乞致仕表一首 代人乞致仕表一首

為太僕卿劉弘基請致仕表一首

盧岐州請致仕表一首 代劉幽州請致仕表一首

為殿中監趙元楷請致仕表一首

為工部尚書段綸請致仕表一首

為姚大夫請致仕歸侍表一首

為溫給事請致仕歸侍表一首

為王左相請致仕表一首

為閩大將軍乞致仕表 後周 庾信

臣某言臣聞禮云大夫七十致仕於朝傳家於子膳則貳
珍衣稱時制臣自出身奉國四十餘年遭遇風雲從微至

著太祖文皇帝扶危濟難奄有關河臣實無堪中涓從事
自洛食風塵河梁旗鼓華陰有白馬之兵河曲有黃沙之
陣臣雖用命不能奇策功薄賞厚因人成事恩澤年表常
以愧心仰逢周朝以揖讓登庸謳謠受命主貴臣遷頻煩
榮寵三槐以鑄鼎象物知其神姦五等以栢珪飾瑞守其
宮室臣以何德兼而有之況復水土之職王梁以應讖受
徵兵戈之主韓信以登壇獨拜語其連類臣又何人當今
四海未寧三方鼎峙陛下勞心之日羣公展効之秋而臣
甲子既多耄年又及無參賓客之事謬達諸侯之班尸祿
素餐久紊彝典負乘致寇徒煩有司加以寒暑乖違節宣
失序風水交侵菁華已竭雖復廉頗強飯馬援據鞍求欲報
恩何能為役榮啓期之樂適足自貽燭之武之言無能為
也特乞解所居官言從初服事符骸骨之請非謀几杖之

賜若臣北陵移病東臯歸老山河茅社一反司勳公侯珪
璧還封典瑞則朝無冒位之人臣免妨賢之責虞氏養老
敢希東序之榮周朝如荼豈望西郊之禮但瞻仰天威方
違咫尺徘徊城闕私增悽戀不任知止之情去去

代人乞致仕表

前人

臣遯言臣聞一葉將墮寧待於風露百川皆到自竭者潢
污臣輒感之以悲以咽臣某謝臣仲春之末舊患漸加雙
足頗蹇四支不利扶步有邯鄲之失勉視無離婁之明安
可率此留務溷茲恒典陛下恩周其成未忍指弃微臣因
至於亟轉不堪勝臣所以自咎自傷淚繼之血臣某謝臣
特承先緒進不因人陛下憫臣則無用舉直而有慙自奉
圖太極宣綽中書陛下收臣於一心任臣以獨掌九年冀
登宰輔八歲載踐宗伯出擁干旄入參衡鏡或雲臺之上
徵臣預疇咨之旨或日觀之下詔臣操刊勒之文美而暢
之臣實尤忝明憲不敢以纖負立造竟微於滴助日月

其如冰炭交集誠懷伏以前陪政事親荷德音謂臣
等經侍軒墀子孫尚延保護臣何螻蟻一作款歛歛一作款丘山臣且生亦

盡命死且陳力竊不知終而不知止朝列三數與臣同儕

臣未六十推臣則幼獨臣彌當一作頓頓病不俟年盈量

窮涯滿而招損逾時每乖於勿藥永日猶繫於苞桑覽分

必然貪榮所忌伏乞免臣見職退畢餘生察臣榮不可支

矜臣分不能強廼臣之幸也豈悟仁壽之闕有此一時承

明之廬無緣再謁心神已弊曷刻增悲叨眷鑒則多士莫

先違聖顏則小臣何遠唯冀三條啓道一作萬乘巡京悅

西怨之羣黎逮東封之從者危魂儻駐枯骨如存是臣之

愜非臣所望臣又聞驅奔効駕先輟於羸駘翔集賀成近

遺於鍛翮彼常知慕而況臣哉聞未遑請一有成字臣之懇懇
至於墮官臣合書罪無任戰灼懇結之至

為大僕卿

新舊唐書
作衛尉卿

劉弘基請致仕表

太宗

上官儀

臣某言臣輕生多幸早逢運昌締構之初得効駑蹇誠款
雖竭功績靡伸沐浴恩光繆叨榮級歷居近要出納隆顯
顧循庸菲踰溢涯分思展塵露以酬鴻造鏤骨銘肌無忘
夙夜但犬馬之齒甲子已多風雨之疾惛眊日甚雖年非
致事而力不當官簿領沉迷端緒紕繆久尸厚祿覩懼在
躬內省愆尤外慙物議乞解見職退就衡門朽質餘生獲
從藥療冀蒙渥澤未歸泉壤難預朝請瞻望闕庭葵藿微
心方希臨照不任悃款之至伏願天慈特垂矜許輕塵聽
覽愈增震越云云

盧歧州請致仕表

臣某言竊以日月迅驅歎留侯之過隙桑榆易晏嗟趙孟
之竭陰是以杖國之儀曩籍之通訓夜行之誠先達之明
範臣三河素品一藝罕稱歛衽衡泌之間優遊農仕之際
特以雲雷肇構龍德在田遂得混吹齊庭薄遊梁苑昧昔
賢之先覺慶生涯之嘉會屬大橫固祉獎澤荐臻同管蒯
而靡遺喻衽席而無改叨竊非據綿歷歲時智能之効寂
寥何紀伐檀以茲興刺濡翼由是致譏況乎時迫耄期識
用衰耗仲宣體弱遽與年并脩齡疾甚亦隨衰及范綏在
飾深驚蒲柳之秋葆鬢承冠逾慙仁壽之鏡空貽謗毀坐
紊官曹虛受之來履薄未均危懼知止之分餘生實所庶
幾披瀝丹愚諒非矯飾伏願大明委照曲遂今請退影閑
扉待終初服儻弊帷未掩岱宗少駐擊壤歌其自逸高枕
歡其有餘望瑤池之還駕候仙閭之歸躅臣筮仕聖朝位

非才授曾微涓滴少答鴻私收請骸骨心顏覲作微臣限
茲外任不獲拜奉闕庭犬馬之戀徘徊何已

代劉幽州請致仕表

臣某言臣海沂陋品業尚罕稱歛衽衡泌之間角巾人疑作山
野之際夙安環堵之室罔知榮進之階屬天步方艱霸圖
資始遂偶飛龍之會預參汗馬之期既而慶集私門恩被
昆弟歷職內外備蒙選擢承乏三朝于茲三十餘載竟微
塵髮之効空負亭育之私加以鍾漏已殫齒歷云暮杖國
之年斯及夜行之懼載深若勉茲衰遲久玷刺舉既取紊
於官曹抑貽誚於通識當今天地休明賢能方軌豈可以
策駑懷祿茹忒榮是以量力陳辭料能寫實天鑒凝遠
特希憫照昔廣德休老方開漢室之恩陽元請骸空表晉
朝之惠微臣竊景前懿敢祈今澤反初服於東臯沐薰風
於窮巷儻高春少駐弊蓋未陳庶乎瑤池之曲延望白雲
之宴仙閣之阿載奉翠華之謁犬馬之志實百恒心臨表
鯁戀辭意懇結云云

為殿中監趙元楷請致仕表

上官儀

臣某言臣聞高年致政前微之彝準仲秋授杖絲載之通
規正以制逮乎桑榆悒陰於鍾漏臣顧惟菲陋輪轅無所
瞻言賓實高謝等夷茲仕之初不期通顯干祿所望抑在
代耕初以生涯多幸屬奉昌數一作期仁被草木德泊昆蛟
獎飾曲流豐恩傍洽言揚德舉內視缺然比彥參賢載離
滋永至於姬駿長驅奉玄池之廣宴疑作遠如龍避疑作鷺陪樂野之
宣遊塵露罕稱榮異空甚捫躬覲作罔歷疑作厝心顏既而
貳膳在辰懸輿甫及光華云且聖造方深蒲柳行秋朽材
知止勝西羌而側一作測勇惟疑東都而自牧伏請褫帶彤闈

歸骸素里挹清風於國讓追盛範於陽元効鈞璜於渭濱
類飛星於河渚是知疲駮解馭辭金根而不歸衽席帷幄
去青蒲而方遠望軒屏而徘徊仰煙霄而鯁戀無任感愧
之至

爲工部尚書段綸請致仕表

許敬宗

臣綸言臣質輕散木運忝連姻濫叨右戚之榮曲荷睦親
之禮攀鱗切漢顧毛羽而多慙雕朽成姿撫簪纓而自失
在梁之誚甲子徒深大造之恩消塵靡報常懷戰灼夙夜
無忘況以蒲柳易衰犬馬將暮沉痾歲積憊耄日侵雖復
年未杖鄉而疾乖陳力悞陰理務沉迷簿領之書伏枕當
官敢戮彝倫之序久尸寵祿事等曠官內省愆尤何顏在
職冒乞骸骨退就廬田庶得休閒微加攝餌則皇天有施
生之惠庸臣免偷安之責儻蒙恩許負岳爲輕但頓憊在
躬方違旦夕仰軒檻而增戀望霄極以長懷伏紙陳誠心
靈戰越不任悲愴之至

爲姚大夫請致仕歸侍表

武后

盧藏用

臣某言臣聞孝於親者然後可以忠於君理於家者然後
可以移於官臣實妄庸叨奉明聖職在樞要切寄股肱恩
非始圖榮絕流輩臣之殞身無以上答然臣老母今年八
十有一起居漸廢齒髮日衰飲食朝晡非臣不膳寢興侍
奉非臣不歡臣欲僂俛國朝則顧復無報臣欲歸養私第
則聖澤不貲實類羝羊羸角方同狼跋其尾去歲陳乞初
沐聖恩旋承後命不垂允納良由臣孝道衰廢至誠無感
扣心泣血夙夜無寧臣自受北征繇歷旬月慈母銜泣朝
夕倚閭寢膳不時重增羸耗臣子之道何以爲心陛下聖
澤遠覃中外無事彝倫攸叙俊乂盈朝臣之短才無所裨

補伏願少垂矜察俯遂私恩許臣告歸之請終臣犬馬之
養然後糜軀粉骨上答天造奮身虜庭効命戎幙臣之萬
死不敢為恨無任愚懇之至

為溫給事請致仕歸侍表 武后

崔融

臣某言臣以凡薄幸承基蔭一霑官侶三十餘年為子未
能報鞠育之慈為臣未能答生成之惠公私覩冒夙夜兢
惶久欲退奉家園以避賢路直以犬馬識戀木石感恩猶
希罄竭未即陳叫今臣母虞國夫人妾盧氏行年八十志
力衰謝體氣虛羸先苦眩癖近微風疾委卧牀枕歷歲
時扶人不行加帛不暖比者西京有宅老母在堂臣以留
司之餘常接和顏之半自忝膺皇睠祇命神都子奉局而
莫從母倚閭而空切加以門衰祚薄長兄早世唐昏定晨省
唯臣一身但臣之所以捧檄載馳釋巾從務貪榮徇祿唯
迫於甘旨淺知薄能豈期於聞達伏惟皇太后陛下天地
容納雲雨露被祿錄作錄臣勲舊賜臣丘山臣雖小人豈忘
大德然以聖人在上孝理天下整齊風俗砥礪名教臣縱
不才其如禮法何臣雖無識其若朝廷何無任丹血勤懇
之誠謹冒死詣闕請罷官歸養奉表以聞方違軒宸伏紙
惶戀云云

為王左相請致仕表 武后

李嶠

臣及善言臣愚款頻薦心隨言盡而睿旨彌隆禮以恩酬
固辭則成命有廢勉進則私情不堪惟此憂惶坐交冰炭
臣及善謝臣志均駑馬知眷戀於軒檻生比槐木懼零落
於風霜思十駕之驅馳迫四時之代序辭稻梁之惠寧是
宿心乞桑榆之年但緣量力昔者主父未達常徒羨於陳
鼎孔丘遭難每殷勤於執鞭或排擯於中朝乍栖遑於列

國况臣叨恩竊幸非待營求尸祿効官不假才藝獲當年
之榮貴無曩世諱之艱虞豈應輕物傲時薄優遊之寵宜陳
辭抗疏循耿介之名節直以頽齡向盡衰疹踰加二首六
身甲子催其歲月百骸九竅寒温煎其骨髓無仙童之却
老有災豎之侵年志力昏沉精神耗竭心已迷於方寸日
久暗於玄黃鳩杖扶危且猶不逮鵝池養望孰云非罪竊
畏衆多之口顧思庸短之累昔之少壯猶不如人今也耄
期詎堪經國是用披肝踏地拜手祈天方登月制之辰庶
免夜行之咎言非飾請理實誠陳陛下厚眷殊私尚留陪
於簪履老臣餘喘微息終絕望於軒墀空荷不貲之恩實
無自強之地伏望俯矜疲劣微賜含容免其折鼎之憂假
以懸車之樂僮殘骸未殞尚齒不遺猶望俎豆几筵接虞
庠之庶老歲時朔望陪周行之末班更得拜奉宮闈瞻覩
日月則生涯兼足死將不朽伏蝸廬而獻款仰龍闕而翹
魂心往形留授簡增欵無任拙疾衰老戀慕屏營之誠謹
遣息清廟臺主簿温重詣朝堂奉表陳請以聞

文苑英華卷第六百三

登仕郎胡 柯 鄉貢進士彭 叔夏 校正

請致仕二 謝表附

告老乞致仕表一首

請致仕侍親表四首

請致仕表四首

謝恩勅許致仕表一首

代崔公授祕書監致仕謝表一首

為蕭太師謝致仕表一首 謝分司表一首

告老乞致仕表

宋璟開元二十年

臣璟言臣聞力不足者老則更衰心無主者疾而尤廢臣昔聞其語今驗諸身況且兼之何能為也臣拔自幽介欽屬盛明才不逮人藝非經國徒以久從驅策歷參試用命偶時來榮因歲積遂得再昇台座三入冢司進階開府增邑大郡所更中外已紊彝章逮居端揆尤竊一作右職何者丞相官師之長任重昔時愚一作微臣衰朽之餘用慙他日

位則逾盛人則浸微盡知其然何居而可頃所以二字僊

俛從政蒼黃不言實懷覆載之德冀竭消塵之効今積羸

成憊沉痾一作瘡莫瘳耳目更昏手足多廢顧將殞越寧遂

宿心安可苟徇大名仍尸重祿且留章綬不一作上闕庭儀

刑此乖禮法何設伏惟陛下探一作能以授為官而擇察臣

之有詞矜臣之不逮使得罷歸私室養疾衡門上弭官謗

下知死所則歸全之望獲在愚臣養老之恩成於聖代日

暮途遠天高聽卑瞻望軒墀伏深感戀臣比一作仗枕不堪

詣闕無任誠懇之至謹遣男朝請大夫行起居郎渾於朝

堂奉表陳乞以聞

一作皆唐類表

請致仕侍親表

敬讓

臣讓言臣聞事君事親率由之道斯一為臣為子資敬之途無二臣實不才累昇榮級徒以家承勳舊地分茅社寵

命優渥寔此之由非臣妄庸所堪獎拔臣未登壯歲乾蔭先傾逮于強仕母氏爲育欣欣而就祿者希祿養之及親也臣雖愚鄙妄佩朝簪臣母王夙侍巾櫛久經憂苦一纏風疾二十餘年今秋已來所苦增劇板輿周覽近在於家園綵服承歡久違於膝下臣謬居藩佐累變炎涼瞻望庭闈五情紆結雖王臣蹇蹇匪躬之故而孝道蒸蒸因心罔極伏惟陛下聖明統業孝理天下文軌同於八荒德教加于百姓況臣沐浴皇化差池班列塵忝滋久臣復何言臣兄弟之中臣又居長五起三省是臣微志視膳嘗藥非臣而誰臣之愚誠天地神祇所共昭鑒伏乞天恩少留哀察臣請解所職侍養京都冀烏鳥之情俯遂終食大馬之報希酬萬一臣雖死之日猶生之年無任倥傯惶惻迫切之至

請致仕侍親表

拓跋興宗

天寶中

臣某言臣聞懷祿者耻於冒進事親者貴在及時苟貪非分之榮何報所生之德臣興宗謝伏奉某月日勅許臣入京觀省者臣母譙郡太夫人曹氏今八十有四一遭風疾倍加羸瘠臣之戰灼罔知攸從然曹氏有臣更無他子臣纔齟齬父已背亡守志偏棲鍾情善訓恩深徙宅慈過折蓼孤危相保臣得成立蕃夷賤末久荷國恩磨鈍策疲已歷三紀膏金拖紫四昇八命每慙祿厚慮臣身災况老親在堂迫於衰疾而更晨昏有闕尸素無厭碩鼠貽刺林鳥不若尚叅朝列心豈遑安特乞停官許從歸侍則藜藿之養子道獲申桑榆之暉母心是慰當今大聖御極羣賢共理豈資微臣而在冗職雙鳧隻鴈寧覺少多九牛一毛未爲增損儻明神見祐母體漸平在臣犬馬敢不驅策伏望採詩人之錫類令伯之陳情曲降鴻私俯矜微懇垂恩遂

志死將萬足不勝懇款之至

第二表

前人

臣某言臣前表自陳上許母親乞停所職以就私養聖恩未許懇願莫從母子二人肝腦塗地臣某謝臣初孩則孤未冠而仕不識父兄之教但承慈母之育向母無臣鳥誰哺向臣忘母則禽獸不若更爲性命以至成長今臣老母八十五載矣加之疾疹日甚一日有增無減瘳一作湯藥杜口粥食不入頃乃祈恩請命忍死待臣臣不承聖恩不復見母母不蒙聖造亦不重見臣自從去年漸能開釋若臣又辭母母更別臣臣母必即倚門氣絕上馬心斷母必失臣臣亦失母忠孝雙缺公私並喪假臣強顏苟冒榮寵猶望孝理抑就名教以蕃夷之賤品忝冠冕之清流身帶三印爵封五等入踐命卿出爲副將正是臣報國立功榮宗輝戚之時愛惜毛羽保持名位寧可進寸其容退尺豈願驅一作華轂以傳板輿樂閑居而忘厚秩士君子猶貪其富貴臣種類豈知其矯飾母不能割慈忍愛子不可背義違親二者之心賢愚共悉方寸旣亂焉可以理軍否臧皆凶焉足以謀敵無自招於遄死則未戰以取亡何以爲萬人之命赴國家之急陛下於愚臣過聽謂邊將得人則有隴右專知教練兵馬使右驍衛將軍蘭庭暉材略冠軍智勇無對今節度王忠嗣知其名已令攝使替臣如流輩諸將皆是可惜臣匹夫之勇而不見萬人之敵何抑烏鳥之衆而不用熊羆之帥一作陛下必以臣幸無大過不令失職即望全其官守罷以軍麾減其俸祿一作以延老母略許其宿衛兼遂微臣之定省朝則覲君退還侍母公私兩遂忠孝並存母子如初生死萬足遠近夷落咸知聲教無

任懇切危急之至

第三表

前人

臣某言臣聞事君愛親出忠入孝孝苟不足忠能獨全自古及今未之有也臣夙遭凶憫早喪父兄母祇育臣臣唯侍母更相爲命逮至于今誠願報國安親兩遂忠孝況臣少從邊役侍養多違母常憶臣積憂成疾往者一辭天闕六變星霜徒叨守郡之榮終切倚門之望加以老母年將邁邁景晏桑榆衰疾交侵藥餌無主頃乃祈哀上請忍死待臣臣幸獲歸寧老母稍安寢息再造之施空荷於乾坤廣大之恩無階於答効臣又聞子急告父臣急告君今母若無臣臣定失母所以隕裂肝膽塵犯威嚴乞停臣尸素之祿假老母殘餘之命誠爲至願非敢飾情自聖鑒未迴懇誠猶阻而臣又不幸愚子供奉官右威衛郎將守義近亡臣今惻然形影相弔生人之極無甚於臣老母旣見孫亡預愁臣去舊患未損泣盡繼血伏惟聖主孝理天下特降綸言戶有老親令蠲賦役鄉有孝子必表門閭洎乎荒外百蠻咸被教化聲教一作臣雖戎狄賤品忝沐薰風烏鳥之心實愧乳哺若使貪榮徇祿背義忘親固天地所不容人倫所同棄更何面目敢列聖朝特望上垂天光俯照愚懇矜臣養親之日短効命之日長允其停官許令侍疾四夷慕義陛下之德化無窮豈唯微臣獨荷恩施無任迫切屏營之至

請致仕表

高郢

高郢

臣郢言臣聞量力而仕臣下之審分知止不殆道經之明訓所以七十致事禮式其期臣犬馬之年去春已滿頃者方欲陳乞屬蒙新授今任忻時忘老祗命戀恩復屬王師

出征聖軫方切輒求安退又所不敢伏惟睿聖文武皇帝
陛下德廣天地道孚干羽承宗順命服罪効誠制誥班師
萬方軌道昆蟲草木各遂其性臣早當告謝無忘夙心不
應遲回更俟終日況復夏官任重賢路久妨時制已過衰
疾兼甚實懼夜行之罪上累明時之寵伏乞詳遵恒典特
賜餘年止物議之貪榮洽宸慈於休老微臣之願庶蒙矜
允臣竊惟塵曠謬迹三朝叨承眷獎中外六任竟無毫髮
上答恩私齒盡請骸終慚且惕徘徊積戀戰汗陳愚天
闕一辭朝車永稅方從野老共樂堯年臣郢不勝感恩兢
惶之至

第二表

前人

臣郢言臣上陳丹懇非敢飾辭前月二十三日中使梁士
平奉宣旨賜臣還詔聖慈曲念未忍棄捐綸旨下臨特

加褒獎心魂震悚拜舞覲容臣某謝中臣血氣既衰戒之在

得鍾漏云盡行者當止臣今所乞已過常期若志悅前言

事違往行雖稱守命誰曰非貪況臣升朝已來歷忝清貫

歲时空久叨疑作功用茂聞前恩無報後効焉取使蚊負山欲

強何由臣仗以戀主之心古今齊致暫從外補猶所不樂

永違闕庭豈遑勇退竊以菌蟪生促無幾光陰駑駘齒窮

匪任衡軛加以疾疹時發筋力日耗與曠官而叨寵寧量

已以乞恩庶蒙聖鑒昭回愚悃特許臣得從時休息以禮進

退免於黃耆者猶負素餐全度庸微生成莫大天無私覆冀

收惠渥歲不與臣敢忘披露再黷宸聽辭隨涕零臣郢不

勝感戀兢戰之至

第三表

前人

臣郢言再表陳情一心仰施誓言無感宸眷不迴今月四

日中使魏寶義至奉宣進止賜臣還詔倍加榮獎未允愚
衷驚寵循涯伏躬隕越臣某謝中臣聞勞生佚老天理自然
蠕動翾飛日入皆息時不期而必至物雖強而無由禮經
所以制限疲苒所以獲退自非貢禹之守終據古趙嘉之
正身匪懈韓暨之志一作至節高紮山濤之道德模表人皆顧
望禮以至公縱過常期詎為貪冒其有當仁不讓急病忘
身豈止君命猶宜自舉故魏伐秦師唐睢請車而說
漢謀邊將充國對無踰於老臣所謂臣事君以忠君使臣以
禮忠無不納禮亦從宜如此則選舊任能足供國用優年
加惠得遂時歸古之進退鮮不由此臣以不才叨辱高位
幸而免戾年及乞骸苟蒙得請之恩實受終身之賜若叨
榮不作當退而留則上累皇明下重臣罪況臣自少力薄
不知等夷年老氣衰見孰疑作羸憊形因榮弊疾與齒并

榮衛每乘膝脛多痺既憂廢職又懼妨賢內外交攻生涯

轉迫窮暮之懇不遑啟居芻蕘之辭已罄肝膽一物有關

於亭毒容光時一作特

假於

臨照顧西山而駭目瞻北闕以

馳心臣郢不勝戰惕感戀之至

請致仕表

穆宗

孔幾

臣某言臣聞七十致政禮經格言此蓋先王立教示人有
終也苟或冒榮貪祿不知其退亦搢紳之醜也今臣年已
過矣耄亦及之顧眄班行每懷慙覲幸屬聖明御宇多士盈
朝百度既貞萬靈遂性躍魚戲在藻之樂野夫盡擊壤之
歡微臣叨逢此時得以陳露而猶進不知止懼損明風況
齒髮已衰筋力不逮雖力官次恐貽敗闕伏以南宮左轄
華省紀綱政理所關選用為重豈臣衰朽久膺此任伏乞
聖鑒察臣誠懇賜臣骸骨歸老丘園所冀聖朝無浮食之

人微臣免強飯之責將違聖代戀闕誠深無任悃款之至

謝恩勅許致仕表

睿宗

李嶠

臣某言伏奉恩勅聽臣致仕祇服慈造不勝銘戴臣本無器識素乏才能幸屬時來屢蒙朝獎虛受榮遇迄無成績光陰漸迫衰疾常留二豎頻侵十旬每曠懼忝腹心之寄遂陳骸骨之請天情曲獎聖渥旁流殷鼎調梅雖輟參議漢藩剖竹仍叨卧理百城肇案六疾彌加竟虧露冕之功俄錫懸車之寵方循初服退守故園忘機求漢水之翁擊壤就堯衢之老歌太平而永日飲聖澤而窮年林壑長辭俟卉木而俱槁雲霄坐隔仰闕庭而增慕無任犬馬悽戀之至謹因留守起居使奉表陳謝以聞謹言

代崔公授祕書監致仕謝表

常袞

臣某言伏奉恩制授臣銀青光祿大夫祕書監仍聽致仕

臣聞不修其德老當見遺無益於時祿不虛詔伏惟陛下

以大聖撫臨一作運以至公宰物凡在爵秩必俟賢能况茲寵

異豈及駑朽臣官歷五朝年踰八十勤勞莫効齒髮久衰

舊好同遊索然已盡經行郡國一作終朝行國不見一人歡娛且少

形魄如寄古之養老義在師臣必公卿大夫者年多疾乃

有詔書褒勞之寵靈壽安車之賜不然則高尚之士亦以

道存非閔仲之絜清姜肱之孝行固不可猥承嘉命特受

殊禮今陛下以臣之甥任在樞近階緣厚遇曲被鴻私官

品過崇越於班列疵賤忽貴枯瘁增華親戚相榮以感以

涕猶復恤其羸備貸以休閑成一作從周禮四方之適存漢儀

八月之問惠養益厚等威益尊冒恩不訾景帝紀與貴同仰戴無

力殘生有幾上報一作答何階無任感戴一作荷之至

為蕭少師謝致仕表

德宗

高郢

臣昕言伏奉今月二十三日制除臣太子少一作太師師致仕仍給半祿料其宴會及朝朔望並依常式者桑榆暮齒忽遂休閑犬馬微誠仍參朝會臣某謝臣本書生資於巾褐每歷清列尸曠徒深早迫流年止足有素特以四朝受任千載逢時難勝戀闕之心久滯乞骸之疏陛下俯憂羸老曲被庸愚三驛印之辰更加新命懸車之後且許時朝榮賜俸祿澤深惠養昊天罔極思上報而無階餘日幾何奉湛恩而不朽無任感戴忻抃之至

謝分司表

劉禹錫

臣某言伏奉今月十九日制書授臣太子賓客分司東都者寵命自天戰越無地臣某謝臣發迹書生以文為業出身入仕四十餘年頃自集賢學士出守吳郡面辭之日親承德音念百姓水潦之餘示微臣政理之法臣祇承集作膺聖旨夙夜竭誠閭里獲安流庸盡復猥蒙朝獎賜集作錫以金章及遷同州又遇歉旱悉心綏撫幸免流離今荷天慈憫臣耆舊列名賓護之職分局河洛之都老馬霜束帛之恩枯株蒙雨露之澤獲居榮秩以畢餘年顧此微軀實為厚幸伏以臣始為御史逮事德宗今忝宮寮幸逢聖日舉四海之內賢能則多求六朝之臣零落將盡雖迫桑榆之景猶傾葵藿之心無任感恩惕抃之至

文苑英華卷第六百四

登仕郎胡 柯

鄉貢進士彭

叔夏

校正

太子公主上請僧請附

皇太子請停幸東都表一首

皇太子請家令寺地給貧人表一首

皇太子請放罪囚表一首 皇太子請復膳表一首

皇太子請起居表一首 皇太子請給庶人衣服表一首

皇太子請修書表一首 皇太子請加相王封邑表一首

為太平公主請住山陵轉一切經表一首

為太平公主辭欲起新宅表一首

為魏國北寺西寺請迎寺額表一首

為人請子弟出家表一首

為東都僧等請留駕表一首

為洛下諸僧請法事迎秀禪師表一首

皇太子請停幸東都表

高宗

崔融

臣某言臣聞乘雲駕羽者非以逸樂其身觀風設教者將

以弘濟於物故後予胥怨幾一作望湯來吾王不遊嘗思

禹會伏惟天皇察帝道敷皇極一日二日智周於萬機先

天後天化成一作於四序雖鴻名已建銘日觀而知尊而

膏澤未流御雲臺而不憚市朝之邑天地所中四方樞一作

會百物殷阜爰降恩旨行幸東都然以星見蒼龍日躔朱

鳥清風用事庶暈且繁桑翳葉而眠蠶麥飛芒而旆雉詳

求易緯是君無發衆之辰博訪禮經當人急勸農之月固

未可陳詩展義拜洛觀河況序屬亢一作陽時方避暑露

臺風館尚多重灼之勞帳殿帷宮將有鬱蒸之弊天皇昔

嘗服餌近更躬親睿情勤苦天儀憔悴若何以萬乘之重

四海之尊暴露而行旰日而食者也加以官寮扈從或少

資糧程期迫促未遑周辦必若事應巡狩一作省務從寬恤

猶望白露涼風然後清畿洒道下不違於人欲願一作上無

隔於天心可舉而行庶幾於此臣又聞關中屬縣畿內傍

州百姓驅馳頗多飢餒天皇仁深覆育並令賑贍求轉徙

者任其逐糧欲寧居者如其廩食家懷再造人得安全乞

至秋來不煩聖慮特乞少留玄鑒俯察丹誠迴太陽之末

光納蒙泉之餘瀝臣三朝問寢常候色於宸慈五日詣臺

每承言於聖獎輒陳冗識輕進芻詞踏地知驚窺天自失

無任私懇之至謹遣某官奉表以聞 **一作皆唐類表**

皇太子請家令寺地給貧人表 前人

臣某言臣聞法天之道義屬於有餘象地之宜理存於益

寡頃以咸城近縣鄜市傍州頗積風霜或侵苗稼天皇兩

儀合德百姓為心發倉廩以賑貧人垂雨露以滋微物俗

荷財成之施家懷亭毒之恩臣濫奉宗桃親承覆載歲時

衣服咸憑府藏之餘朝夕膳羞必竹饗錄之辦過此以往

臣亦何求但知問豎寢門尊師胄序魏兩文儒之盛竊所

係心漢儲湯沐之資未嘗留意但關輔之地萌庶孔殷丁

壯受田罕能充足所以水旱之歲家室未豐正末端本思

有裨助臣家令寺有地九百餘頃特請迴授關中貧下等

色雖地非安邑寧期千戶之封而價等露臺虛費十家之

產伏乞皇恩遠及聖澤旁流矜臣愚竊遂臣誠請謹遣某

官某奉表以聞

皇太子請放罪囚表 前人

臣某言臣聞堯舜推心諒因於百姓禹湯責已必在於至

庶一作人頃以災亢踰時資儲頗乏天皇情勤戒慎務切憂

勞發倉廩以賙窮罷珍羞而酌損紅粟未阜愈兢御朽之

勞發倉廩以賙窮罷珍羞而酌損紅粟未阜愈兢御朽之

懷白粲有刑特軫推溝之念爰降恩旨俯加寬恤凡在生靈不勝鼓舞然以和風所被蘭艾同榮膏雨所流公私並潤徒刑之輩已沐於深慈杖罪之流未霑於厚渥且五刑之內笞坐爲輕兩造之間原情可恕時當慘勁命甚漂浮因茲決罰或從顛躓伏乞迎春布澤應天道而無違任地成功順人時而不奪使三農有望萬物知歸臣濫守儲闈叨陪帝幄乾坤覆載荷至德而徒深日月昭明在末光而何助無任區區之至

皇太子請復膳表

前人

臣某言臣聞善持國者舒慘必繫於天時德稱皇者動靜莫違於物理故百姓不足一人所以載懷四海爲家萬方由其在慮伏惟天皇觀風設教拜洛遊河光華前國乎日月法象齊乎天地頃以歲儲微耗年穀未登睿旨憂勞宸一作

情戒惕菲飲食而卑宮室居常夏禹之期減厨膳而徹一作

鍾懸重取黃軒之事由是神靈肱鬢景氣氤氳雪千里而

朝飛雨四溟而夜下兩河之甸瑞交盈疇三川之境嘉苗

被隰天意人事其在茲乎可以隨道抑揚可以與時通變

周王之本枝百代每進蠡庖殷帝之亢旱七年猶資鶴鼎

昔賢具稱其美往聖不議其非唯此小心將秉大德臣又

聞下之奉上猶枝附根君以人作基人以君爲命天皇恩深

子育念切家安損已勵精無違早晏停滋罷味已隔歲時聖

躬有勞悴之容羣類動兢惶之責伏乞俯從人欲仰順靈

心具珍物以登羞隨太陽而復膳蕙蒲知送涼之地芝英

識駐壽之期豈使眇眇燧皇獨流名於燔炙悠悠黃帝空

紀稱於庖犧而已哉臣寄忝元良任當監守春冬胄序學

書禮而空勤朝夕寢門視寒溫而未即無任悃款之至謹

遣某官奉表陳請以聞

皇太子請起居表

高宗

前人

臣某言今月_還日起居舍人某至_{一作}伏承聖躬頃稍不安今已痊復手舞足蹈慶躍兼深臣聞孝於事親為子之方以_{一作}極恭於奉上為臣之道則先臣自違侍軒墀已淹時序周儲故事一日三至於寢門晉兩_{一作}室舊儀一月五朝於左_{一作}龍閣今之望古臣獨何人日者瀝膽陳祈焦心覲謁伏惟天皇以關河鎮重監守務殷睿旨冲邈未垂矜亮今既十月築場三農事隙特乞暫流恩召俯念單誠遂以起居假以時日得晨拜旒宸遂_{一作}展臣私情則暮辭闕庭在臣無恨不勝戀慕之至謹遣某官奉表陳請以聞

一作皆唐類表

皇太子請給庶人衣服表

前人

臣某言臣聞心有所至諒在於聞天事或可矜必先於叫帝庶人不道徒竄巴州臣以兄弟之情有懷傷憫昨者臨發之日輒遣使看見其緣身衣服微多故弊男女下從亦稍單薄有至於是雖自取之在於臣心能無憤愴天皇衣被天下子育蒼生特乞流此聖恩霈然垂許其庶人男女下從等每年所司春冬兩季聽給時服則浸潤之澤曲霑於螻蟻生長之仁不遺於蕭艾無任私懇之至謹遣某官奉表陳請以聞

皇太子請修書表

前人

臣聞昔者明王學以化人成俗古之君子文以緯地經天雖有闔風之高嶽弗登弗知其峻也雖有浴日之巨溟弗涉弗知其廣也伏惟天皇域中居大天下化成百官以理萬人以察日行中道而淑清歲起攝提而位序光薰萬物豈

直芝珥瑱葑澤加一作施四海寧惟壽麻孤竹地成形而天
成象其道彌光河出圖而洛出書其徵可驗環林璧沼金
門石室墳典積於丘山筆墨盈於泉海聖朝多士自可包
二代之文臣顧不才何足奉三王之教皇慈渥洽帝獎優
隆擢公望為太師徵子房為少傅所冀習與智長化與心
成嘗辛苦於歲餘終未階於日就臣聞學者殖也問以辯
之積必有成勤則不匱以周公之上聖日讀百篇以孔父
之多能韋編三絕臣雖不敏竊所庶幾然以列代遺章先
王舊典康成奧業纒覽卷於八千士安覃思願加年於累
百豈不以學而時習博則難精者乎今欲塞其蕭稂撮其
樞要可以出忠入孝可以益國利人極賢聖之大猷盡今
昔之能事商摧百氏勒成一家庶有代於箴規長不違於
左右又近代書鈔寔繁部帙至如華林園徧略脩文殿御
覽壽光書苑長洲玉鏡及國家以來新撰藝文類聚文思
博要等並包括弘遠卒難詳悉亦望錯綜羣言刪成一部
藝官賓館亦既天皇立之矣端士正人亦既天皇致之矣
伏乞俯從微願特降鴻私許臣撰緝遂臣誠請當宮學士
如少仍望通取京官謹當開桂樹之山鑿芙蓉之水引甘
泉之詞賦惣望園之賓客下芸閣而長謠臨梓厨而高會
一遊蘭芷佇變蓬麻區區之誠敢希矜允豈使肅成門內
唯傳魏國之名崇政殿中獨紀晉朝之事而已無任誠懇
之至謹遣某官某奉表陳請以聞

皇太子請加相王封邑表

李嶠

臣某言臣以相王旦發彩璿萼承流寶派雖班彝錫瑞旣
同於伯叔之封而食菜苴茅不逮於子男之國敢緣斯叙
之義輒獻由衷之誠而葵藿傾心徒希皇矣之鑒雲霄絕

望不流霈然之澤愴恍如失徘徊增佇臣某誠惶誠恐頓首
頓首死罪死罪臣聞命以車服錫之士田實將共安邦家
永固宗祏炎漢之開藩樹屏廛開七十城隆姬之書社建
侯封疆四百里故知業隆者基大本盛者末豐涯涘闊而
潤澤深枝條繁而庇蔭遠伏惟皇帝陛下握河開曆截海
疑圖化縣於商夏之朝地廣於唐虞之域裁舊典之損益
補前王之闕漏萬官咸事百度以貞雖穆穆之風具宣於
政理而親親之道或廢於揖謙至今骨肉禮薄藩維業曠
曲阜之特高才藝仍減附庸平臺之深篤孝慈僅留湯沐
徽章空列於五等祿秩不踰於九命曦舒兼曜之德又被
於寰中雲雨曲成之恩翻遺於膝上異強幹弱枝之道違
先親後踈之意非所以上宗王室下睦帝姻況天垂後星
承髮膚者蓋豈卦膺習坎奉晨昏者非衆荷圓穹之寶覆
藉厚載之珍腴若令寵數不加等威無辨便是卑萬乘之
尊蔭缺四海之遐瞻蠻貊荒陬猶知不可衣纓士庶孰謂
其宜臣伏念天倫深惟國體情實存於公道理不涉於私
求伏願曲降聖慈俯收愚懇恢久遠之大義抑冲撝之小
節疇咨故實申命有司畫以山川優其井賦剖符開國依
希魯衛之親盤石居宗疑疑應韓之躅明鳩鳩均養之惠
慰鵲鳩同氣之心使麟趾式安犬牙愈一作逾固則鴻恩所
被允及於萬方靈貺一作慶所覃豈唯於九族無任悃款屏
營之至謹遣某官某奉表陳請以聞

為太平公主請住山陵轉一切經表 前人

妾某言妾生涯有緣仰繫皇極孝行無感上傾乾蔭號天
罔及扣地不追集蓼崩心茹荼泣血自攢開東洛紉下西
秦氣朔遄移光靈浸遠怨晨昏之易隔悲節叙之難留舉

目摧傷觸途殞裂今橋山已祔灤水還封二曜停臨九天
絕仰慟遺弓於此日思晚駕其何年追想平居永惟曩載
粵自襁褓迄于成立鍾慈結愛殆欲蒙携於掌中候色承
顏何嘗暫離於膝下方倚南山之固長承北極之尊豈圖
就養之歡遽乖於扇枕問安之地翻類於過隙念凶妨而
自咎思顧復以何酬所冀扶杖墳塋結廬山隧瞻奉觴奠
依憑園寢終三年之禮企及通喪轉一切之經庶邀冥福
上以資未來之果下以據罔極之心伏惟陛下孝通神明
仁洎草木乞體荒疚特垂憐許使烏鳥微志獲與耘禽致
哀犬馬孤誠得從耕象申慕則窮喘無恨餘生知幸無任哀
切之至謹附使具官某奉表陳請以聞

為太平公主辭欲起新宅表

見五百七十八卷

前人

留箴

前篇作垂箴

畝價

前篇作畝價

為魏國北寺西寺請迎寺額表

武后

李嶠

沙門臣某等言竊聞加隆園寢漢道以光繫誠宗廟周卜
惟永斯但禮極崇奉事昭嚴配未能遵揚七覺酬顧復於
前生幽贊三途樹津梁於後劫伏惟聖母神皇陛下中天
構極截海凝圖懸法日而貞觀沈慈舟而利涉天經地義
之德率禮因心奉先追遠之誠宅緣證果弘濟深於冥境
薰脩入於梵門天子之孝感陰陽而通鬼神聖人之心刑
萬邦而被千祀乃者深發睿思永懷遺躅帷轍跡之所
盡建寶坊南北東北之城咸修法宇佛刹周於天壤寺名
因於國號自崇陽改謚奉明增邑雖配天盛典已革於常
數而淨境大名尚題於舊額是以稻麻眾侶葵藿微心願
弘金石之名思降瓊瑤之禮疑作愚言聖澤已蒙昭許日
往月來未遑迎致今望以九秋嘉節七月良辰當賞莢之

初滿屬于堯闡之始獻勝幡香蓋延寶字於金門法鼓天花
奉鸞書於象闕俾夫道俗瞻仰虛空嘖讚高懸銀榜豈惟
天地之宮列署瑤房遠邁神仙之宅某等或扮榆故社或
桑梓舊京謬參龍象之筵預奉衣冠之列白雲千里瞻帝
鄉而極目朱門九重望宸陛而延首儻皇慈曲被人願不
違則八部式歌四海知幸無任懇倒之至

聖澤疑作聖澤

為人請子弟出家表

陳子昂

臣某言臣以險疊私門不造亡父故某官先臣某早先朝

露永謝休明日月不居星紀去暮伏以先臣榮綰章綬四

集作策名委質冠帶早年始累忝榮私三歷名卿職參於

河海八居物守集作任切集作於股肱而報効莫聞零落

先及啓足英華作發足之日露首知慙是以臣克奉誥集作言志

期冥報請以當家子弟三兩人奉為高宗大帝出家歸道

而孤莞在疚遺囑未申奉以哀號實貫心髓今者高宗大

帝登仙之忌已及茲辰先臣懇誠未効他日所以乞遂冥

願敢覬天恩庶菩提之因發揮於正覺涅槃之證幽讚

於宸階先臣夙心無恨於集無泉壤伏願上天降鑒微誠

可哀因緣獲展存沒交慶不勝崩迫之至

為東都僧等請留駕表

中宗

宋之問

臣僧某等言臣伏見某月日勅以今月九日集作今將幸長安

東京道俗不勝攀戀伏惟應天皇帝陛下重興靈命再造

黎元域中懷三聖之恩天下識五君之子關西帝宅渭北神皋

思切園塋未謁長陵之樹貴為天子不歷咸陽之宮宜應萬

乘巡遊展錫池之新慶三秦故老覩漢家之舊儀率土顯顯孰

不欣躍但以先后神寢夏首方成太子仙墳秋中未畢王主陪

奉更促工徒雖力以子來而頗妨農事儻千官扈輦同費太

倉之粟萬國來庭共索長安之米將何給用以濟公私且東
都有河朔之饒食江淮之利九年之儲已積四方之賦收均誠
宜宅幸三川寬徭八水稍登稔歲方事歸鑿以欲從人孰不
幸甚則天聖后久成佛果俯應輪王冀發無邊之巨願光有
為之妙福經始大像年籥滋深愧緇流之淨財念蒼生之
苦力俯從羣議莫遂聖情陛下孝感傍通沖襟獨斷追成
先志上合天心故得蓮礎未施為停風雨梅梁鬱起若有
神明施其力者萬殊莫分龍鬼捨其財者千計豈辨人祇
歲已集作干雲成之匪日實冀金輿近幸玉輅親臨禮如來
之大身畢先聖之遺旨然後載脂京輔馳謁山陵即付囑
無違情禮兼極無任懇款戀慕之至

為洛下諸僧請法事迎秀禪師表 前人

僧某等言某聞住持直教先憑帝力導誘將來遠屬能者
伏見月日勅遣使迎玉泉寺僧道秀陛下載弘佛事夢寐
斯人語程指期朝夕詣闕此僧契無生至理傳東山妙法
集作開室集作巖居年過九十形彩日茂弘益愈深兩京學
徒羣方信士不遠千里同赴五門衣鉢魚頰於草堂菴廬鴈
行於竹帛集作雲集霧委虛往實歸隱三楚之窮林繼一
佛而揚化栖山好遠久在荆南與國有緣今還豫北九曲
集作道俗戀集作之如父母二河士女仰之猶山岳謂宜緇徒野
宿法事郊迎若是集作輕來赴都遐邇失望王威儀俗尚道秀
所忌崇敬異人和衆之願儻得焚香以遵法王散花而入道
場則四部銜恩萬人生善無任懇款之至謹詣闕奉表請與都
城徒衆將法事往龍門迎道秀以聞輕觸天威伏深戰越
文苑英華卷第六百五

登仕郎胡柯 鄉貢進士彭 叔夏 校正

請朝觀此卷英華流編失

為房州長史請朝觀表首

為張侍郎乞入觀表一首

再請入觀表一首

李令公乞朝觀南郊表一首

皇帝違和請朝觀表一首

青帥乞朝觀表一首

為陝州盧中丞請朝觀表一首

鄭滑李僕射乞朝觀表一首

杜司徒乞朝觀表一首

鄭相請朝觀表一首

為楊大夫請朝觀表三首

請朝觀表二首

孔大夫請朝觀表一首

崔中丞請朝觀表一首

李大夫請朝觀表一首

為房州長史請朝觀表

上官儀

臣某言臣一介薄才不周時務

一作一介庸薄才不周務

命隨事偶超

竊官途歷職文武榮兼內外年餘三紀受恩兩朝循涯省

分實優常品自違丹陛寒暑亟移限以大藩久絕朝觀頃

以年頽疹逼風眩日增懷闕庭而載佇仰雲霄而聳望陛

下昔居春禁臣預應朝集披膽祈恩特蒙鑒許尋奉明詔

入衛鈞陳惠澤曲流其來自遠誓生沉族未識所酬今以

衰疾之年久違趨拜望充計吏一奉宸闈傾首希天聽卑

期照心靈振蕩冰谷非危干黷旒纒伏知待罪謹言

為張侍郎乞入觀表

德宗時任黔府觀察使

呂頌

臣某言去貞元五年於延英殿賜面辭之日親奉進止作

聖令臣一考即來者臣謬承聖獎猥守方隅自到黔中首

末三年

一作首尾三歲

更入新正即及四載

一作更至正

臣素以

微書

一作

生叨居重鎮恭行朝旨宣諭皇恩種落遠人庶幾

於理伏以遐荒僻阻控帶諸蕃溪洞蠻夷性本生梗木石

為伍鳥獸同羣寬之則伏匿山林不遵王命一作公法迫之則

結聚蜂蠆害及邊陲臣於撫馭之間酌其中道示以一作

威惠諭英華作論題以憲章以清靜臨人以不擾為政開設學校

令知君臣父子之道勸勉課一作稼穡令知生成衣食之原

減以征徭蠲其力役今國恩遠及夷落大安萬里勤王一

方無事臣管内素多瘴癘山峽重深毒霧蒸雲常在牕戶

四時多雨不識霜雪終歲陰昏少見天日出門無路舉目

唯山猿鳥之心如在籠檻臣從去年冬初忽染脚疾膝脛

頑痺行步一作艱難絕無醫人素乏藥物深山窮谷無處

而求任重命輕不可言疾病一作臣先奉進止一作考令

歸又準勅文二年與替臣今歲月以一作久疫一作瘠交

侵況奉綸言難堪更住臣久辭天闕一作庭戀切龍顏瞻望

天門不勝涕殞無任攀戀切迫之至

一作皆唐類表

再請入覲表

前人

臣某言臣去貞元五年面辭之日親奉進止令臣一考即

來臣謬荷聖恩擢居方鎮炎瘴之地首末四年恭守廟謀

戢一作雕題左衽萬里勤王溪洞之人無不樂業此皆聖上一作

之恩豈是微臣之力臣從前年六月患脚膝行立艱難秋

深已來更染氣疾又從去年六月直至今日不見三光山

谷昏昏終日陰雨吞茹瘴毒實所難堪伏奉勅文二年與

替一作况奉進止一作一考令歸臣疾癘所侵氣力衰敗一作

素無醫藥恐不支持臣伏見近日已來楊或作悅孫成李

速裴腆皆在遐裔相次喪亡特乞聖恩全臣性命許臣準

勅歸赴闕庭再覩龍顏灰粉無恨臣去年十二月已進表

陳乞情有至切再躡宸聰伏乞天慈救臣疾苦一作不勝

懇迫憂塞之至

一作皆唐類表

李令公乞朝覲南郊表

于公異

國家以來年正月五日告謁宗廟柴燎南郊率土同歡室
家相慶臣已陳乞願奉大儀監使王敬親至陛下以西門
式遏未蒙矜遂夙夜惶戀心如焚灼目覩漢儀猶傳古老
況臣累塵清貫謬處台司侍奉翠華未為失任亟承顧問
亦近守官既違捧日之誠益慕告天之慶伏惟皇帝纂戎
聖運光啓帝圖澤流亭毒一作育之源化溢舟車之外今者
以天地交泰華夷大同明發以展神宗陶匏而郊上帝紹
前王之闕典納殊俗之始賓九域駿奔傾皇都而壯觀庶
官少思肅扈清蹕而徐驅臣於此時獨守藩鎮伏承陛下鳳
翔密邇或多戎梗未可輕離臣酌事宜必無所慮何者吐
蕃所有兵甲悉不在邊流沙已西纔有烽戍況其畏威虜
伏向化協和自安戎貊之邊敢犯漢家之塞吳說之居隴
上李觀之處涇州既承聖謀各有成筭以此制敵何憂撫
封臣於鳳翔亦擇留後庶令軍務皆叶權宜又以州縣雖
存黔黎未復徒御既衆供承則難臣當倍道兼行貴於入
侍謝車捐騎才取成容則岐路有載馳之章郵亭絕告勞
之費以此利徃未為擾人今者設壇場告天地尊嚴執禮
陛下當元首之明贊拜陳儀臣子漏股肱之用臣且自媿
人何以觀乞陛下特降鴻私容臣朝聘俾汪洋皇澤亦霑
戎屏之臣肅穆旌門粗識昇平之禮既均情於故老庶無
媿於子牟退入泉壑不為恨矣

云云

皇帝違和請朝覲表

前人

臣某言伏奉手詔聖躬頃暫違和旋亦康復鼓舞歡抃倍
百常情然且爾來未有人到惶戀之至寢興無寧何者臣
義忝寵榮恩當弼亮聖躬乖理股肱何安是以瑣瑣寸誠

款款微志庶陪朝列一解漏恩容之憂或從良醫待獻十全之藥頃以陳乞願得輕行未蒙還旨猶增戀慕且眷謀弘遠邊鄙方安春候轉深戎馬難動以此揣度固無憂慮伏乞聖慈許臣朝謁輟旬時於藩鎮候安否於宸顏臣之微願於斯畢也

青恩帥乞朝觀表

柳冕

臣某言臣備位方面守鎮在一作海隅顧無理平之績猥受增秩之榮而不自媿者顏之厚也竊感江漢朝宗之義鹿鳴君臣之讌頌聲之作王道之唐書始也國家自兵興之後不遑儀議一作禮方岳唐書未朝讌樂久缺臣限以一切之制例無朝集之期目不覩朝廷之禮耳不聞宗廟之樂足不踐軒墀之地十有二年于茲矣犬馬齒衰益深戀主葵藿將暮空仰太陽古人去日雖不為葵藿迴光然向之者誠也臣職在戎馬身辭日月願因朝謁一見漢儀會亦

文苑卷一百六

四

先

臣之誠也傳曰朝以正班爵之義會以訓上下之則朝會者禮之本也臣安敢忘之故羣后四朝以明黜陟唐虞制也五歲一見以考制度殷周制也三載上計以會考課唐書最課兩漢制也其或不朝則以禮讓之故孟子曰諸侯之朝天子曰述職一不朝則黜其以一作爵再不朝則削以地三不朝以則一作六師移之然則諸侯朝會尊王室也可以廢食不可以廢朝泊秦滅古制罷侯置郡漢立王侯並建守相聖唐稽古兼而用之故天下朝集三考一見皆以十月上計至于京師十一月禮見會于尚書省其朝觀也應考績之事至其一作元日也陳筐篚之貢集於朝唐書堂唱其考第進賢以興善簡不肖以黜惡穆穆濟濟靡然成風太宗之遺政也自安史亂常始有專地者矣四方多故始有不朝者矣戎臣恃險未有悔過者矣臣忝闈外牧一作之寄竊憤不朝之臣

故每忘寢與食思一入覲庶因微臣率先天下則君臣之

義親而不踈朝覲之禮廢而復興一作臣之幸也常唐書

恐負薪之疾溘先朝露覲禮不展歿於下泉臣之憂也又

臣四年已來頻乞骸骨聖恩哀憫許為擇替無德而祿殃

釁荐臻臣雖上恃天慈不殞瘠孱而下悲骨肉繼以死喪

及聞諸將帥亡歿亦衆臣自悼何德以堪久長昔公子牟

身在江海之上心馳魏闕之下則鄉國者人情不忘也闕

庭者臣子之戀也朝覲者國家之大禮也是三者人之大

願伏乞一作惟陛下憫臣丹懇許臣入朝得再謁聖顏萬舞

稱賀一作慶斯願畢矣無任懇款屏營之至

唐書柳冕傳有表類表作柳冕是也英華誤作李
使文本傳有柳冕為福建觀察使上表明朝覲之義
兼表恐非青帥

為陝州盧中丞請朝覲表 德宗

周行先

臣某言臣家忝儒門才非國器生休明之代遇堯舜為君

東綏從官三十餘年矣曩日佐幕獲在湖南蒙先聖察臣

効愚錄臣克謹歷外臺三院知留務五年頻降絲綸驟登

朱紫天慈子育不集戾於微躬君父之德且深昆蟲之力

難報臣某中謝伏惟陛下繼明授圖誕敷至化特授以刺

史兼經略觀察等使頃容管鎮任職方隅逮茲五考要荒

外服僻陋在夷不能賦車籍馬以給國儲不能餼牽饋餉

以賑軍食忝列位聯率慙無於仄間歲陛下避狄奉天省

方梁漢臣不獲身當矢石血濺兇渠及陛下掃除妖氛再

造區宇臣復不獲扈蹕清道執戈啓行且霑率土之毛莫

展事君之節此臣所以內訟刻骨上思訴天苟貪符竹之

榮實懼素餐之刺臣今年踰知命齒髮已衰官守炎陬星

霜屢改乏中和之理行無考課之彰聞而炎孺暗侵桑榆

漸迫常恐一先風燭永謝聖朝況復不識覲見之儀未知
班瑞之禮羔鴈列序空聞於禮經鶴鷺同行欲求於夢寐
伏惟皇帝陛下煦育動植酌心元元垂仁降慈俯遂愚懇
許臣得對敷休命并舞薰風則朝拜玉墀夕歸泉壤愚臣
生不恨矣一作死且不朽云云

鄭滑李僕射乞朝覲表

馬惣

五百八十一卷有為鄭滑李僕射辭官表乃王惣作此云馬惣

臣聞臣之事君如子事父子有晨昏之道臣有朝覲之儀
載罹寒暑之遷豈勝犬馬之戀臣聞古之郡國皆有郵第
列在京師出命守藩入令述職所謂百谷朝海衆星拱辰
伏惟皇帝陛下德伏萬邦理臻三代夷夏率俾沉翔煦然
臣頃受任番禺星霜七變身在南海心懸北闕特蒙渥澤
徵領宗司方厠朝行旋牧關輔東郡缺帥又忝物戎雙旌
自天便道之鎮赤墀輔一作轉遠伏謝無因及茲三年丹懇

每結況自貞觀之後迄于聖朝臣之一門繼荷重任擁旌
鉞者僅二十人高祖淮安郡王神通弼亮太宗勳力締構
榮登左揆以寵勲勞臣無先祖之功而塵先祖之位師長
宗秩胡堪謬到是願罄述愚志一覩聖顏宵腸九迴晝食
三歎今河朔軌道汴宋底寧臣所部宣揚睿慈綏緝黔庶
師旅知訓農桑以時徵賦有常廩儲有備但以違奉既久
心不遑安輒敢冒昧上聞特希矜許入覲臣獲蹈舞班叙
親承德音却歸方隅生死榮幸云云

杜司徒乞朝覲表

劉禹錫

臣聞事君之道集作君有死無隱懇誠所至敢不罄陳伏
惟聖明俯賜矜察臣某中謝臣代受國恩忝承門蔭脫巾
筮仕敢期榮名陳力効官靡樹聲績始因人乏集作驟歷
清班復荷朝獎作藩外府遠違輦下十有四年恪守淮濱

于集作今一紀犬馬戀主集作寢興匪遑蒲柳易衰遲暮

俄及竊位時久妨賢愧深況歷任集作已來四十八考祇

奉朝謁時纔二周服勤郡府集作荏苒垂老屏營魏闕之

思夢想承明之迹集作如迫餒寒不忘衣食伏惟睿鑒俯

亮愚衷早賜擇人與臣為替交受集作之際冀無可虞然

後脂車奔赴京輦微願斯畢雖死且集作生臣頃以戎務

方殷猥加宰輔今既事罷實慙此名為有藩鎮同時未敢

輕上印綬伏以聖朝赫奕左右惟賢漢愧得人周慙多士

臣才略既短齒髮且集作衰柄用之地甘心自絕所冀退

歸舊里沐浴皇風絕鍾鳴漏盡之譏展維桑與梓之敬匪

惟名器不假實貴骸骨獲集作全知止之心神祇可集作

鑒無任悃款屏營之至

為鄭相請朝覲表

元固

臣某言伏以受恩之地中外則同戀主之心遐遠愈一作

切臣素無方略又乏理能徒以久侍掖垣嘗叨衮職罪已

彰於負乘位猶忝一作於藩維一違闕庭累變寒燠虛當

重任未答鴻恩一作常恐愚効未一作申官謗將及敢不

誓心奉職克已臨一作人哀矜獄情節省財用觸途誠慎

終日憂慙而百越殊風庶一作業流庸未復於田里

逋賦仍積於歲時豈管防虞尚勞師旅海南饋饟尤資費

用一作軍府屢空物力將竭至如奉宣化理一作恭守

國章臣實盡疲驚庶禪萬一將使寇戎殄一作滅食貨豐

滋臣雖策勵終亦無一作及伏乞聖慈矜念天鑒照臨察

臣審分之誠哀臣瀝懇之意一作儻獲言旋京國重覩天

顏則汲黯無恨於淮陽馬援不辭一作於瘴海矣微臣幸

甚無任感恩戀主踴躍之至

一作皆唐類表

為樓煩監楊大夫請朝覲表

令狐楚

臣某言臣聞君猶父也臣猶子也子事父有冬溫夏清之禮臣事君有大聘小聘之義臣雖庸鄙常感斯言今類表作況乃地離京師千里而近身去王室十年有餘心既傾而陽光未迴目已極而雲路猶阻此臣所以形留神往淚盡繼血者也況監司之寄甚重馬乘之務非細或物有因襲類表循革之而無妨或事無典據為之而有利咸非翰墨所可升聞貯于中心期以上達伏惟陛下迴天地之鑒垂日月之明俯借恩光暫令朝奏儻得飛纓於赤墀之下委珮于彤庭之前目見龍顏足履丹地則犬馬大幸與天無窮無任悃款之至

同前

前人

臣某言臣自罷侍龍樓出班馬政星霜驟變十有三年伏惟陛下光宅寰瀛惟新景命奏簫韶之九變獨臣未聞舞干羽於兩階唯臣未見累歲有違離之苦終朝懷戀慕之誠是以屢獻封章懇求朝覲愚衷不達聖眷未迴邊山之中躑躅愁結比者臣雖庸鄙兼領嵐州職在治唐諱人固難離局今既專知監務特有使名仗櫪多暇望雲英華作增切且臣所部濱類表河近塞兵家利病時事便宜難於遠陳願一敷奏而況道途非遠僕御不多次舍之費誠未擾於郡縣往來之期當不踰於旬月伏願俯迴天鑒曲遂臣一作誠心使得稱慶於中朝然後代勞於外廐至願斯畢死無所恨無任懇迫懇結之至

同前

前人

臣某言臣聞心孤者觸緒而悲意切者發言皆懇摯情循理今古同塵嘗謂無之今乃信有臣某中謝臣雖頑鄙無

取亦嘗側聞長者之論上自古昔迄至于今才能事業百
十於臣而不升名官之級不知祿廩之數者何可一二其
紀臣某無耿介之秀或作開濟之能且有極愚至陋之累
而微生際會事陛下於藩邸之中周旋出處雖無擁全神
聖之績便蕃左右曾有侍從言語之樂竊自欣賀若昇雲
天伏惟陛下握圖御極凝旒垂象惠均於動植信及於細
微擢臣於方岳之中委臣以監牧之務仰憑殊造俯竭愚
衷封人粗安國馬稍息今者狝視賓客位爲大夫耳煩絲
竹之音響口厭梁肉之滋味驅馳駿足偃息華棖蒙陛下
覆育之恩已爲太過顧微臣止足之分實所甚榮豈敢更
冒寵光別求獎用伏以狗馬之齒衰暮相迫螻蟻之命危
殘不常日往月來懼貽敗覆天地相分一作天不勝瞻戀
每至木葉下邊馬嘶切思拍畫君前以畢平生之力常恐
先霜露填溝壑不見丹闕長恨黃泉伏惟陛下仁愛惻隱
及於萬類察臣之至願表一作臣之赤心使一入帝城死
無所恨無任一作哀迫懇苦之至

請朝覲表

符載

臣某言臣聞臣之事君猶子之事父苟庭闈之侍曠晨昏
之禮絕擬議名教得爲孝子乎臣自違天顏二十餘載身
不趨宮闕之地心不展烏鳥之誠戴天嚮日肝肺焦灼況
臣暮齒筋力漸衰以中人之才當大藩之寄智慮昏殆政
術荒疏自揣封疆固多敗累豈可使萬人稟無德之令四
方興尸祿之譏跼形顧影月慙歲耻方今赫赫大國髦彥
如林采於衆才必超十倍伏願陛下暫迴慈眷俯察愚衷
念蒼生之疲授能者之位即微臣無妨賢之愧大君有任
用之明得公論於搢紳盡私誠於犬馬再白首獲奉紫

宸備一刻於周行實百生之榮耀前後陳乞煩黷聖聰雖
懇迫之未申瞻軒墀之已近不勝悽悽之至

同前

周行先

臣某言昨遣奏事官馬元宗附臣口奏請赴朝覲馬元宗
迴奉宣進止語臣去君臣之情不厭相見朕與卿心無二
緣途路稍遠卿來後即不免朕憂況乍收復洛州士庶
恐未安泰須卿存卹未能遂卿此志且不須作來意者皇
靈特降天語密聞俯伏流汗殞越無地臣某中謝臣內顧
庸虛謬居藩鎮日月去邁倏然三年空荷丘山之恩未申
絲髮之効隳肝瀝膽豈盡愚誠從頂至踵皆承立造夙夜
祇惕悼心失圖誠願暫覩駕鷺之行獲陪羔鴈之列特迂
宸睭親奉德音則朝聞夕死臣之幸甚而軍城初復天意
遙軫懇結之至尚抑懇誠今疆場無虞干戈已戢軍儲戎
賦幸有支持伏望天意許臣至冬末春初已來暫赴朝謁
得申犬馬之志庶盡葵藿之心碎首糜軀死之無恨云云

代孔大夫乞

請一作

朝覲表

憲宗

杜周士

臣某言臣以斗筭之資荷旄

旌一作

鉞之寄

任一作

職

賜一作

千乘位

職一作

惣十聯而節制頒條曾無可紀妨賢專祿亦

忽一作

已四年由是再陳表章備瀝哀

衷一作

懇誠在必達義

無苟安伏惟元和聖文神武法天應道皇帝陛下憂勤萬
務砥礪庶工服勞中外者有更踐之常受寄方隅者無專
任之幸所以俗用丕變官稱得人坐致治唐諱平寔使荷一作

均一天下幸甚天下幸甚今輒冒犯嚴譴更陳丹悃不敢

廣引遠事請以近日

事一作

言之至如揚於陵鄭網馬惣等

或從偏鎮陟授或自周行莅事或三年獲歸或三考

載一作

除替公議惟允私願亦伸伏乞聖慈平分許循徃例賜停

見職擇用羣才則聖代盛審官之規微臣無去國之歎無任禱祈二字一作之恩懇迫之至

崔中丞請朝覲表 憲宗

一作皆唐類表

臣某言臣歷刺三州連惣二府外任逾紀入覲無階就日望雲魂飛心往臣某中謝伏惟睿聖文武皇帝陛下覆載無私遐邇同致復昇平之故事繼前聖之高蹤中外踐更出入迭用臣以虛薄叨受恩榮徒竭夙夜之心未申朝夕之敬天威咫尺誠寤寐而無違雲漢昭回固瞻仰而何及是以前在郎寧封章累上及移臨松漠星紀屢周微衷尚隔於戴盆積望徒懸於窺管葵藿之誠彌切犬馬之戀愈深人欲天從於茲未驗下情上達終冀不誣敢黷宸嚴罄陳丹懇伏乞賜臣除替許至闕庭厠蹈舞於羣寮備班行之散地足趨中禁目覩大明俾成九族之榮以盡百生之

幸非敢竊國賓五獻之禮希康侯三接之恩一覲龍顏萬死爲足無任懇倒迫切之至謹遣某官奉表陳乞以聞

李大夫請朝覲表 敬宗

裴度 集無

臣聞天道君也高而下濟地道臣也卑而上行上下交感然後萬姓生焉庶政成焉其或翦鬱不通則爲災沴之氣必在宣達使之光明太平之風實繫於此伏惟文武大聖廣孝皇帝洪覆品彙光宅寰區翺飛跂行皆得其所況臣器識庸陋遭遇便藩始事憲宗過蒙驅策復事先帝猥加爵命大恩無報終懼且慙以至今日又承寵寄消毫未効齒髮將衰起在山南不遠甸服宴安厚利受拜軒堦此則爲君之道下濟爲臣之道上行不足尸祿彌久心魂若驚日往月來寢成憂塞伏希降鑒特許入覲冀得少謝萬一使無壅情然後退歸里閭降避賢路雖則萬殞無恨可謂

百生之幸況李光顏薛平皆武臣也淮海以為要重然猶
遷迤而至述職明庭臣儒也梁漢無事道途孔邇若泰
然自安貪冒崇顯位為公相眾所指名又何以表率四方
儀刑多士臣不勝傾心延首瞻系天衢之至

下濟此下疑
二字

文苑英華卷第六百六

登仕郎胡

柯

鄉貢進士彭

叔夏

校正

雜上請一

請罷功臣襲封表一首

為子侍郎請向山陵表一首

請省自披讀表一首

請廢在官諸司提錢令吏表一首

請千牛不簡嫡庶表一首

為原州趙長史請為亡父度人表一首

為獨孤氏請陪昭陵合葬母表一首

為某官等請預陪告廟獻捷表一首

為汴州司馬唐授衣請預齋會表一首

為文武百官等請造神武碑頌表一首

為韋將軍請上禮表一首

為盧從愿請替東都留守表一首

為羣公請公除表一首

請罷功臣襲封表

長孫無忌

貞觀十一年令諸功臣世襲刺史錫之土宇以無忌為趙州刺史封趙國公都一十四人無忌與房玄齡等上表曰

臣聞質文迭變皇王之跡有殊今古相沿致理之方乃革

緬維三代習俗生靡一作常爰制五等隨時作教蓋由力不

能制因而利之禮樂節文多非已出迨夫兩漢用矯前違

置守頒條蠲除曩弊為益之文無益之一文為覃及萬方不

易之禮四字一作禮有逾千載今曲為臣等復此奄荒欲

其優隆錫之茅社施于子孫永貽長世斯乃大鈞播物秋

毫一作髮並施其生小人踰分後世必嬰其禍何者違時易

務曲樹私恩謀及庶僕一作義非僉允方招史冊之誚有

紊聖道之綱此其不可一也又臣智効罕施器識庸陋或

情緣右戚遂陟台階或顧願英華作想披荆便蒙夜拜直當今

日忝一作猶愧非才重裂山河逾彰濫賞此其不可二也又

且孩童嗣職義乖師儉之方任以褰帷寧無制一作傷錦之

弊上干天憲彝典既有常科下擾生民必致餘殃於後一

挂刑網自取誅夷陛下深仁務延其世翻令勦絕誠有可

哀此其不可三也當今聖曆欽明求賢分政古稱良守寄

在共理此道之行一作非為日滋久因緣臣等忽有改張封

植兒曹失於求瘼百姓不幸一作幸將焉用之此其不可四

也在茲一舉為損實多曉夕深思憂貫心髓所以披丹上

訴指事明心不敢浮詞同於矯飾伏願天澤諒茲一作愚

款停其渙汗之澤一作旨賜其性命之恩一作舊唐書本傳

為于侍郎類表請向山陵表已見五百七十一卷上官儀

請省自披讀表

褚遂良

臣遂良言伏承風氣小動正進湯藥臣荷恩光不勝愁懼

既聞御膳平和一則以喜伏惟陛下異人者神明同人者

五情夫人之生以神為主神太用則虛形太勞則倦有此

而不生疾者非所聞也陛下昔年力平寇亂及臨寶位憂

勞萬國龍荒沙漠何所不思情切於民無時懈怠遂令陛

下鬢鬚為之早白又數年已來耽翫書史每作文詠兼諸

手筆日暮繼燭運心不停又詰朝與群臣論政數百千語

音若韶夏理同蘭玉若非辛勤何以得致且以天情愛好

不能自息臣愚仍恐陛下今猶看讀夫人年踰四十筋力

漸疲篤而不休更增疹疾然君以百姓為心百姓以君為

命君體平康天下安寧陛下已讀得之者用之不可盡已

知之者當世不能踰伏願節諸言語且無披卷每減思慮

微病自遣天下蒼生之所幸賴臣不勝區區謹敢表聞伏

願無覽臣之表遣旁人讀知臣意臣願足矣下愚之情伏深戰灼

請廢在官諸司捉錢令史表

前人

臣遂良言古稱君爲元首臣作股肱梁棟榱桷隨能助化所謂成海取乎細流崇山由乎積壤然則爲治之本在於擇人不正其原遂差千里周禮鄉大夫之職考士德行獻之于王王拜而受之登于天府漢家以明經拜職或四科辟召必擇器任使量才命官然則市井子孫不居官吏大唐制令憲章古昔商估之人亦不居官位陛下許諸司令史捉公解本錢諸司取此色人號爲捉錢令史不簡性識寧論書畫藝但令身能估販家足貲財錄牒吏部便即依補大率人捉五十貫已下四十貫已上任居市肆恣其販易每月納利四千一年凡輸五萬送利不違年滿授職然有

國家者嘗笑漢世賣官今開此路頗類於此在京七十餘司相率司別九人更一二載後年別即有六百餘人輸錢授職伏惟陛下治致升平任賢爲政或太學高第或諸州進士皆策同片玉經若懸河奉先聖之格言慕昔賢之廉耻拔十取五量能授官然犯禁違公輒罹刑法況乎捉錢令史主於估販志意分毫之末耳目屬肆之間輸錢於官以獲品秩荏苒年歲陛下能不使用之乎此人習與性成慣於求利苟得無耻豈蹈廉隅使居其職何向而可將來之弊宜絕本源臣每周遊民間爲國視聽京師僚庶爰及外官異口同辭咸言不便臣無容靜嘿輕敢表聞伏願更勅朝臣遣其詳錄輒煩聽覽伏深戰慄謹言

此篇六百九十七卷重刊本前表

請千牛不簡嫡庶表

前人

臣遂良言臣聞主祭祀之胤必資於嫡長擢文武之材無

限於正度故知求賢之務有異於承家前王制禮緣情斯極永嘉以來王塗不競在於河北風俗頓乖以嫡待庶而若奴妻遇妾而如婢廢情虧禮轉相因習構怨於室取笑於朝莫能自悛死而無悔降及隋代斯流遂遠獨孤后罕睦鳩之德同牝雞之晨普禁庶子不得入侍自始及末怨曠未弭聖朝御曆深革前弊人以才進不論嫡正自茲二紀多士如林今者簡千牛舍人方爲此制臣竊思審於理未安何者母以子貴子不緣母也今以母非正室便言子無貴仕則趙衰孕於越婢遙集晉阮孚字遙集其母即胡婢產於胡姬田文枚臯皆妾子也文則播美於強齊臯則有聲於隆漢未聞前載有所間然此類甚多備存史策不敢煩引輕黷宸嚴今反棄古實從近事以妬忌之政施明敷之日非英雋交屈固亦競端斯始王者設教務慎其源流源流一開爲弊必甚儻側室之子負才而不用君棄之於上家輕之於下忠孝不展友愛無施如此等人豈不怨憤雖隔千牛之選仍許三衛之官色類乃復稍殊捍禦至竟無別若唯材是用人自甘心一彼一此異端斯起至於昨來檢括麤人公孫武遠及崔仁師等兒多是嫡子故知善惡由乎積習邪正寧限嫡庶必然之理不言可明伏願更量可否還遵昔制不使側室之胤有高才而被屈正妻之子雖至愚而獲用則嫡庶於此分鑿諍訟無因發矣前選已了不可更追今仍補闕猶得詳審臣蒙恩獎擢厠近司事有未安豈敢自默謹以表奏伏增惶悚

爲原州趙長史請爲亡父度人表

王勃

臣某言臣聞奉忠履義帝業所資昭德報功王風是切臣亡父故臣使持節都督豐州諸軍事幽州刺史上柱國南

康郡王士達往因隨季預奉皇初于時元洛未清雙嶠尚
梗江淮海岳王公數十亡父身羈僞鄭寵極戎庭掃千載
之風雲擁三河之士馬情思奉順義不圖生綿越寇場密
歸誠款登太行而耀甲則建德離心出函谷而揚麾則王
充破膽天書屢降手勅仍存泊乎九服又安四方無事謀
臣出鎮猛將臨邊西窮赤水之源東究青丘之境橫戈北
塞盡沙漠之風塵授鉞南荒被犂犝之矢石義形夷險迹
遍疆場分閭淹榮懸車遂禮雖死於牖下實懷天子之恩
力盡方隅無媿忠臣之節今者歸藏有日先遠戒期陛下
德被游魂惠流枯骨高班厚祿已極於生前列鼓鳴簫復
光於身後誠非毀滅所能投報但臣霜露之感瞻彼岸而
神銷烏鳥之誠俯寒泉而思咽希開淨福庶補窮埏伏惟
陛下恢不次之恩錄無涯之請使獲從朝例賜許度人濟
魂一作識於昏塗拯亡靈於燬宅則陛下乾坤之施既不
隔於幽明微巨螻蟻之心豈忘情於家國是所圖也非敢
望也輕贖冕旒若墜冰谷

為獨孤氏請陪昭陵合葬母表

李嶠

妾獨孤氏言妾早罹艱罰終鮮急難門構傾頽宗緒斷絕
零丁在疚微眇何依賴母氏劬勞顧存鞠撫漸離疔瘵以
至成立犬馬含識烏鳥有情空懷返哺豈曰能養枯鮮何
幾隙駟不追擗地扣心仰天泣血應門乏五尺之嗣當室
無三年之主衣衾之舉誰則始終奠酌所存實寄惇眇今
日月其邁龜策告期將安窀穸或從遷祔妾亡祖唐右衛
大將軍溧陽縣公彥雲迹參締構功勒鼎彝亡父唐某府
折衝都尉襲溧陽縣公臣某寵懋戎行嗣守藩服咸得託
基橋岳陪瘞穀林杜氏陪前雖云非古齊君牖下義彰自

昔儻蒙返魂舊坐合骨先壟則存歿榮幸幽明感戴妾百
羅兼至六極備嘗雖送往飾終無資石槨之厚而傾家破
產不贍塗車之費先臣首茅舊封食菜遺業頌諸同族散
在別房相彼哲河事憑先德永言書社宜奉太宗伏望哀
此孤微惠以絲拂迴一歲之邑入助千齡之宅兆豈唯哀
多益寡有叶典經固亦勸義篤親實允觀聽妾生輕茲藿
地接葭葦承夏禹之致孝屬唐堯之躬叙荒情謬款輕敢
上祈天造曲成儻蒙哀遂無任窮懇之至謹詣朝堂奉表
以聞穢黷冕旒伏增戰越

為其官等請預陪告廟獻捷表 前人

臣某等言臣某沐道昌期承榮休曆或叨恩獎擢謬隨州
縣之班或收拙罷歸行戢立園之影徒懷闕庭之感終絕
雲霄之望不謂幽誠上達卑聽下臨太陽之暉遠鑒於傾
藿油雲之澤俯潤於纈荆俱延鶴板之恩遂忝龍闈之召雖
秦君入夢暫喜登天晉士披心長祈捧日豈足方其榮幸
死此歡泰今三軍凱入邊境廓清五室恭禋靈祇配享介
胄承策勲之禮衣冠陪執豆之儀萬辟同趨百蠻在列有
識搖心而竊抃含靈感背舉一作而延頸臣等鞠躬天闕待
命帝闈馳心目於九霄隔門庭於萬里企悚之志徘徊罔
極伏望俯垂矜察曲賜參陪使得接影踰蹠充鳥獸之前
列隨有濟濟皇夔龍之後塵則夕死朝聞有欣於服道千
齡一遇無憚於灰骨不任延佇企悚之至

為汴州司馬唐授衣請預齋會表 前人

臣某言臣母氏齒髮既衰風氣彌積寢興乖豫定省不安
陛下降視萬方俯矜一物哀老母虛羸之疾愍愚臣煎迫
之心弘以不匱之恩布以非常之澤使得暫辭藩岳別梁

郡之檐帷旋赴京都求越人之砭石自班輿首路潘宅來
歸承厚蔭於四天接歡言於九族雖名一作醫上藥研祕
術而未嘗而佩德感恩覺沉痾之半愈屬千齡啓旦十號
登樞演金口之微言呈玉毫之寶相三千國土俱傳貝葉
之文億萬天人並入蓮花之會臣六時空念五起未寧思
訓顧復之恩願假招提之福儻獲書名檀供厠影法筵罄
歸依迴向之心受清淨菩提之果實望三身覆育開梵帝
之仙坊十善護持發醫王之祕藏永離災厄長登福壽上
以祈龍象之深惠下以申烏鳥之懇誠豈唯區區闔門獨
荷於仁覆故亦悠悠法界永覃於孝理不量淺薄敢輕上
祈塵黷威嚴伏增戰越臣某誠惶誠恐頓首頓首

為文武百寮等請造神武頌碑表中宗宋之問

刊紀鴻名伏惟應天神聖皇帝陛下德披圖五精乘運
先天地而利用依鬼神以制法無思不服有感必通日者
變起心膂禍生肘腋弄兵指闕敢忘下濟之恩犯門斬關
遂激上靈之憤陛下近幸玄武傍顧紫微鳳翔而梟獍失
圖龍見而鯨鯢就戮順天翊聖皇后配乾積德從帝居尊
佐莫大之英猷參非常之妙略親紆寶思式頌玄猷椒掖
之文久垂河漢甘泉之石已入京都伏惟陛下卑奉聖躬
謙保神器惜其國用念彼人艱有命且停含靈失望臣等
容光壽域竊位明朝不蠹而衣無裨塵露不耕而食有負
靈祇陛下寢有道之豐碑臣等享無功之厚載一作亭育
雖廣何所自容且天惠不可以闕書神功不可以久寂臣
等請各減所俸以勒殊休庶同子來成之匪日無任光開
文闡垂裕之至

不若集作
莫若

為韋將軍請上禮表

崔融

此篇當在六百七十三卷上禮門今已移入姑存其目

為盧從愿請替東都留守表

臣某言臣才輕位重効淺恩深鸞駕西巡猥忝居守違離
罕畢進退門闌感戀惟深負乘是懼臣某中謝臣初辭之
日伏奉德音限以周年許遵舊例推遷在葦星歲再環夕
惕屏營日月以冀葵藿傾葉豈望迴光犬馬有心常懷戀
主顧循卑鄙未敢上聞伏承今孟冬有事陵廟慶章覃於
四海國禮盛於百王伏念漢臣彌嗟留滯預逢舜后願侍
宗禋瞻望之情倍百恒品且三川朝市四塞關河論都抗
於西賓作鎮雄於東夏倉儲猶在邦政孔殷臣亦何人久
斯重任不勝控款兢惶之至謹奉表附驛以聞伏乞俯矜
誠請更擇親賢不棄草茅之微終奉綸綍之委

為羣臣請公除表

蘇頌

此篇當在五百七十三卷禮門今已移入姑存其目

文苑英華卷第六百七

登仕郎胡

柯

鄉貢進士彭

叔夏

校正

雜上請二

將加神龍尊號羣官請公除表一首

為崔冀公請赴山陵表一首

為宰相請不停千秋節宴會表一首

請入湯表一首

代郭令公請雪裴僕射表一首

為衛尉許卿請留男表一首

為人請合祔表一首

為崔僕射請弟寬當元載累表一首

為郭令公請授四節度大使及五府大都督表一首

安西請衣賜表一首 請置兩省官表一首

為趙侍郎乞歸河中侍兄表一首

為王相公請改六書表一首

為河東副元帥馬司徒請刻御製箴銘碑表一首

為中書門下請追尊號表一首

中書省請冊皇后表一首

史館王相公請冊淑妃何氏為皇后表一首

將加神龍尊號羣官請公除表 蘇頌

此篇當在五百七十一卷遷祔門今已移入姑存其目

為崔冀公請赴山陵表 已見五百七十一卷 于公異

為宰相請不停千秋節宴會表 宗 孫逖

臣等伏見太常卿韋縉奏稱京兆韓朝宗面承進止云若

更不雨即停作千秋節者臣等伏以千秋令節萬壽良辰

上以答皇天啟聖之休下以展蒼生務農之望禮白帝賽

田神著在典式久通誠感陛下以經旬不雨憂人軫念有

阻羣情將停盛德^國勤恤之旨被物以深而祈報之歡於義
難間況近城郊甸雖以憊陽目餘郡縣頻霑霈澤今日東
京起居使魏方進至臣等親問方進云自陝以東數日一
雨秋稼滋茂特異常年此則萬庾可期三農無害近郊之
內雖未霑濡率土之濱已知豐衍太平令典豈可闕如又
數年已來此禮頻廢臣子之地獻壽無因朝野之情多歡
莫展特希天鑒俯暢人心

請入湯表

常袞

臣袞言臣先患腰膝比成積疾自從趨侍漸覺痊除每屬
陰寒即微發動近加秋冷轉不支持半身風痺右足拘急
謂其冷甚因以熱攻遂覺頭旋兼之眼暗寒溫相觸調息
實難伏蒙聖慈特賜醫藥殊造至深灰粉訓恩未申萬一
生成之力雖則頓瘳積久之癥固難速効沉綿增劇憂懼
失圖先因入湯常愈斯疾漸逼冬候今正其時伏望天恩
許臣就湯將息駑駘蹇步冀効驅馳螻蟻微誠庶迴昭鑒
無任懇迫之至謹奉表陳乞以聞

代郭令公請雪裴僕射表

代宗

邵說 大曆中

臣某言臣聞忠邪不可以並立善惡不可以同羣吳任宰
嚮而伍胥鴟夷楚任靳尚而屈原放逐遠惟前事孰不痛
心伏見澧州刺史裴冕明允中肅道高德厚匪躬無怠有
塞謬之風首佐先帝驅馳靈武贊雲雷之業成社稷之勲程
元振忌其直道^一方遂加誣構^一謫荒裔天下稱冤空懷醜
正之悲莫雪盜憎之耻今姦邪屏退聖政文明百度作貞
四門已穆而寰海之內元元之人莫不延首德音思聞至
化伏願特令追冕列在朝廷俾之台座端揆庶僚平章百
姓處訏謨之任當燮理之權必能叶和萬邦致君堯舜臣

位兼將相職忝股肱竊思賢傑共熙帝載無任懇迫之至

為衛尉許卿請留男表

于邵

臣某言臣男某官某頃年二十一二因外人招誘性乏天和臣又拙訓遂交遊非類妄用錢物臣恐滋蔓累及家私臣某年任寧州刺史表請磧西効力離鄉別親庶其思過臣遽一流寬比屬艱難遐荒萬里分為阻絕近節度使差奏軍事會臣待罪輦轂重與相見至京以來臣竊窺察誘其由衷似辨君親近於觀志屢申懇倒願留晨昏夫物感人情況茲天屬苟及於此惕然關心臣今齒髮衰暮唯生此子儻其改行家有所傳九原之下可以塞責臣昨詢問磧西職掌殊非要重伏乞聖慈迴鑒許為父子如初便留効節東軍與叔冀逐急征討盡其武用或樹功勳王事不殊殘寇又切臣得地近時復知聞縱其不賢猶可備老一臣之幸至微至賤輕贖宸嚴覲冒之求戰越無地

為人請合祔表

前人

臣某言臣固不肖寵由父任累荷朝獎非臣本才永惟筮仕之初濫觴有地感舊恩愛竊係于心故開府儀同三司兼太常卿李承光頃充河西兵馬使天寶年中錄臣帳下自茲効用得列戎班出入五涼艱勤一紀風雨寒暑未嘗廢離俄屬幽燕作逆伊洛陷寇蒲潼不關天地交閉承光臨計自失倉卒西還亦既通表華陽奉戡靈武枕干待命俟期而往曾未信宿先朝賜書敦叙兄弟如家人禮當是時也臣親見之開緘涕流是日便發及至行在特加天下兵馬副元帥改名匡國扈蹕彭原別承誥旨因此伏法當瘞朔陸身雖受刑家免孥戮遽蒙昭雪發使宣恩特令安存葬日官給今長男願見充鎮西副將次子諤又知覃懷

兵馬女婿周鼎分閩河西咸受綠車之榮並為白馬之將
聖朝寵寄泊男及女臣謂匡國雖死猶生近以孀妻告終
願從合祔諤等銜恤無由上陳將傳銘誄未正官爵且匡
國非禁人收視之責微臣當故吏願言之時報冒宸聰乞
從優贈縱前封尚在詎敢追榮儻後命有加方期復魄則
衛青有時將葬而藥布不負一言黃泉有知丹慊斯在無
任懇款求哀之至謹詣某門奉表陳乞以聞

為崔僕射請弟寬當元載累表 前人

臣寧言伏見詔命以中書侍郎元載贖貨無厭姦邪迹露
國有明憲已寘嚴科臣弟御史中丞寬頃緣長春宮事蒙
恩充載判官今罪累所加寬亦合從譴責念其愚直罹此
禍階每荷聖朝獎拔之私累忝中臺精選之務恩逾所効
寵貴當時上答之期分知死所臣忝骨肉之分休感是均
夙夜震驚反側難措朝典輕重不為微臣伏乞聖恩無以
私貸伏增惶懼之至謹遣某官某奉表請罪以聞

為郭令公請授四節度大使及五府大都督
表 王諫

臣某言皇太子者王之枝葉固當使之繁茂以蔭本根國
家自頃已來率由此道莫不重其職任以維四方如朔方
范陽河南隴右劍南等州節度大使并五府大都督一切
並用皇子以相監統內以制姦宄外以威寇戎雖未合封
建舊章亦所以廣維城盤石之義也自羯胡肆逆海內糜
沸務求武將授以兵權於是大使大都督府之職廢而不
復用矣近日僕固瑒梟夷之後陛下以朔方巨鎮寇逆未
平將授其使賜臣靈州大都督單于安西大都護朔方節
度使此一時之事非經久之術今妖氛電掃中外小康忝

職樞衡代天理物固合遵守舊典宣明國章豈可復竊大名紊亂常式此臣所以內懷冰炭俛仰增慙伏乞選之親王授以斯任俾臣兼靈州長史及副大都護節度大使佐理其中并諸府節度亦望準此處置四夷聞親王分鎮必當遠近畏威將亦絕其覲心不敢妄動又大元帥頃者並以親王為之自皇太子冊在春宮遂罷斯職今但置元帥司馬而元帥未有其人四方將帥之臣無所稟命亦望陛下復授皇太子以振兵威此國家要務也臣前日已具聞奏陳其事猶懼陛下未察愚言不以為念是以敢再三抵冒昧死上陳儻允臣所祈天下幸甚無任懇願之至

安西請衣賜表

臣奉某月日勅令臣河西揀招五千人赴磧西逐面防捍者臣到安西之日安西早以翻營軍令有行困不敢息鐵衣不解吹角便行邊庭路長去去彌遠往還三萬里辛苦二周年朝行雪山暮宿冰澗溪深路細水麤大約一程少亦百渡人膚皴裂道上血流畜蹄穿跣才與切行不進也路傍骨積征馬被甲塞草不肥戰士戎衣胡風盡化今邊秋早冷赤肉迎霜臣準勅放還實恐磧途凍死伏惟矜慈育物遠念單寒請令安西給付綿帛蓋其凍露路免疆疑作屍生入鐵門死將不朽

請置兩省官表

權德輿

臣德輿言臣聞堯之為君也百工允釐舜之官人也九德咸事伏惟陛下文明御寓建用大中德厚侔於集無二儀利澤施及集無四海中外庶政寢興求思舉一事必稽於禮法命一官必詢其望實故朝無虛授時絕幸人厲精萬樞超冠前古可封之俗比屋相歡詩曰嗟我懷人實彼周

行言思其才也又曰翹翹錯薪言刈其楚言選於衆也蓋
在旌別能否循責功實以爵祿爲砥礪以羣才爲銛刃則舉
不失職人效其能左右掖垣首承詔命奉行詳覆各有攸
司然後下於中臺頒於海內誠至重也彌綸政事侍奉軒
墀分曹十員今則殆絕昔衛多君子晉有卿材況巍巍聖
朝淳化所被濟濟多士豈謝古人要重之司曠闕旣久則
事有所壅吏得爲非亦慮四方聞知謂朝廷乏士事關理
道豈止官常臣以凡庸過蒙慈渥塵汗清近超集作越等
倫前後對敷備承獎飾德音顧問魂爽震驚而朴訥孱微
不能自達又去四月三日面奉進止令臣有所見即條流
奏來者輒以愚管手疏上陳集作干黷宸嚴伏待罪責無
任兢懼殞越之至謹奉表以聞

爲趙侍郎乞歸河中侍兄表

臣某言臣私門積釁幼隳荼蓼賴諸兄訓育得漸有成比
登官序各限中外聚居則少離別則多類表作爲兄董頊任
河中少尹先因風痺成疾手足不理于今累年中間迎到
上都類表臣自躬親方藥兄以枌榆松檟盡在河東懷土
之心暫來輒去近從數月頗益沉綿形貌支離言詞蹇澁
甥姪數輩年盡兒童雖在左右未能侍類表養欲重迎至
此在兄則羸瘵難堪將馳往近關顧臣爲官守所繫魂銷
氣索志往形留百憂攢心動失次第伏以聖慈涵育至德
潛通肖翹之倫各遂其性特乞罷臣所職許以還鄉儻得
數歲侍兄必冀沉痾有間然後星言匍匐稽首闕庭臣之
至願於斯萬足無任懇願迫切之至

爲王相公請改六書表武后

臣某言臣聞兩儀定位法象必在於區分百物正名稱謂

不可以相奪然則當至公之運勿用於權處大朴之辰宜
循其本臣竊見周官保氏教國子六書一曰指事二曰象
形三曰象聲四曰會意五曰轉注六曰假借夫假借者謂
本無其字假用音者也昔伏羲氏仰觀法於天俯觀法於
地爰造書契是生文籍夫書者著也篆者傳也所以昭著
誓言傳之不朽推意結字斷天下之疑垂萌示象紀天下
之德安可穿鑿音韻假濫言詞者哉自史籀篇亡李斯簡
脫古文有數物類難周雖魯恭王壞孔子之宅河內女子
毀老聃之家而屋壁之餘門庭蓋甚敬侯所寫凋訛於正
始之間汲冢所開散落於太原之際由是後儒晚學苦音
訓之繁耆生故老嗟異同之雜下兼案牘旁洎質劑聽受
施行莫能見曉規摹典憲於何取則不有釐改孰導羣疑
當今受神冊鑄寶鼎封禪之隆固將九皇比德文章之盛
豈直三代同風百官以理萬人以察臣此比一作伏見御筆前
後所製新字等神功開合天地盤旋於筆端玄造運行日
月相望於紙上玉諫石記無以校其幽深河圖洛書不能
方其麗則臣幸承皇訓親沐聖猷窺東國一札之文奉西
京七言之詠劉德之陳雅樂雖未澄心劉儻一作黨之學史
書頗嘗遊目輒欲循環眷旨罄竭蒙情凡所借音並加新
字將令分有一定無汨於源流理或萬殊各隨其事業以
此化俗佇微益於毫釐以此教人儻不虧於影響伏乞上
玄卑聽至道曲成矜此庸愚霈然聽許臣即望以類撰綴
隨了進呈輕觸冕旒不勝惶惕之至

為河東副元帥馬司徒請刻御製箴銘碑表

德宗

臣遂言臣前竊睹御製賜靈鹽節度使杜希全君臣箴一
篇輒請刻石於太原興王之都與玄宗所製起義堂頌碑

並列垂訓後代光示萬邦伏奉批表及賜臣等手詔俯蒙
允許仍賜臣一本又賜臣御製宸宸台衡銘二首并叙精
義微言深于義文之旨明訓大誠叶于舜禹之謩涵類表
周詩而軼商頌準天地而懸日月五彩彰施而溢目八音
均調以動心至於上下咸和君臣交儆僻邪無自而入猜
虐不萌於中鬱埋底伏之氣宣強悍類表作儆讒諛之說泯
援申甫以作誠紹唐虞而追蹤誠文教之極而至治唐之
本也臣餘生陋質材朽功微陛下獎勵過深寵錫逾厚使
得獲睹殊觀接聞至音日以勲賢稱其威武跪捧震駭顧
循悚怍實願周旋奉戴內以為子孫藏恢演昭宣外以垂
金石刻今者琢磨已就刊勒方施至於類表其次序篇章論
載年月未敢即定謹令圖畫進上仍請於碑首正面刻類
刊作御製箴銘四字其下刻年號月日字建箴銘二首并

序其碑首陰面伏請準起義堂頌碑例刻年號月日字建
其下刻臣所上表疏伏蒙批表勅語及所賜臣手詔庶使
後之觀者尋其并連究其本末以知盛德之事懿鑠丕顯
游揚無極臣之所願也不勝忻懼悃懇之至謹遣某官臣
某奉表以聞臣誠懼誠喜頓首頓首謹言

為中書門下請追尊

號表

杜牧

臣某等言伏以收復河湟廓開土宇北絕梓嶺西過榆磧
壯中夏起塞之雄奪西戎理弓之地至使強虜不敢觸鋒
山鎖七關地闢千里歌狸首而息射詠杖杜以勞旋聖德
神功超今越古某月日臣某等於延英殿面奉德音陛下
以克定舊疆獲成先志歸功祖考追尊鴻名臣等伏念國
家之為理也溢三皇之軌躅奮百代之上下天寶之末天

下大

集作

寧恃富貴

集作

而醉飽非

集作

虞韜干戈而兇

逆潛作大曆貞元之際河北河南之地朝廷行姑息之政
郡國皆叛亂之臣苟且之令行畫一之法廢日增月長雄

唱雌和李錡宗子劉闢書生東據石頭西斷劍閣朝廷所
有唯止兩京伏惟憲宗皇帝順上帝之心酌列聖之法爵

不踰德集作舉不失賢親端莊之正人去側媚之邪士集

親莊正之人然後提挈綱紀震疊雷霆誅夷羣兇洒掃四

海百度如律九功可歌天業益張聖統無極詩曰惠我無

疆子孫保之復曰周雖舊邦其命惟新伏惟元和之初集作

實開中興之業伏惟聖敬文思和武光孝皇帝陛下修先

王之大道行天下之達德廣問延諫褒直盡下首雪冤獄

常對法官是集有虞舜卹刑文王慎罰無以過也開張聰

明延納諫諍守職業者無職不舉被言責者無事不言皆

獲甄昇豈惟假借夫仲尼以三人有我師大禹以愚夫能

勝予是仲尼之好問大禹之拜言無以過也是以百姓手

足皆安於錯置四海風俗益臻於和平尚猶子集作夜觀

書日昃聽政下採人病上求天端帝典曰聖敬日躋湯銘

曰日日新是誠集無陛下之德有以方集作之仲尼曰禹

立三年百姓以仁遂仰陛下之至理知孔聖之可驗夫西

戎強盛自古無之包有引弓之人盡臣集作跨馬之國天

下獻力備邊不充四海輸賦養兵不足廣川薦草盡為所

有健兵倖馬不可當鋒雖李廣材能充國沉勇但能閉壁

豈敢交綏伏惟聖敬文思和武光孝皇帝陛下畜眷

筭於雲集作漢之表畫聖謀於造化之先捕虜將軍射聲

校尉羽林突陣之騎酒泉校尉集作之兵親自指蹤同時

受命信星効祉靈旗呈祥壁壘言言而洞開渠魁纍纍以

集作而自縛解辦削衽投戈委弓懾怛威靈懽呼冠帶破種

徙域空漠靜邊指北海而封燕然中西域而立幕府鄭
吉之理烏壘班超之鎮他乾大庇生人一寬天下昔漢
武帝之逐北虜四海耗半毅高宗之伐鬼方三年乃克
尚書班史稱德詠功今陛下用仁義為干戈以恩信為
疆場所求必至有開必先不遺一矢不頓一刃洗八聖迴
首集作之恨刷百年亡地之羞小雅盡興大業無極為而
不有歸功先帝禮曰天子有善上讓于天仲尼曰武王周
公其達孝乎蓋以善於繼述能光祖考今者陛下謙讓之
道符於禮經繼述之孝稱於孔聖臣等待罪宰相目覩
昇平謹具太常追尊順宗皇帝憲宗皇帝謚號如前伏候
集作聽勅旨

尚書
易高宗伐鬼方今云尚書
得非通稱上古或逸書乎
中書省請冊皇后表

錢珣

臣某等言伏聞禮云男正位于外女正位于內乃欲承天
休正人紀事宗廟奉蒸嘗是以詩有關雎貫三百篇之首
用以佐天下而正夫婦乃王政之所由興也伏以聖唐積
仁累德列聖重光莫不師古以訓人弘禮以敦本遂得九
垓從化萬國用康曩者嘉祥倫稍憊王道微缺使龍樓曠主
鬯之位翟衣闕助祭之規則外和而國安內和而家理安
得而致也必將有以待之伏惟陛下續列聖之洪業恢百
王之令圖爰建東宮再振墜典凡居寰海莫不欣歡百辟
庶臣所懷尚慊蓋以中壺之位未立六宮之政未崇臣案
天極四星一為正妃上天垂象不可虛其應伏聞淑妃某
氏以坤厚之性母範有融淑懿之姿光乎內理用能誕生
哲嗣克當天心竊願陛下思啓大猷仰弘丕訓淑妃某氏
特依故事冊為皇后使六宮之內一以遵承所為王政之
所由興而風化天下臣等位叨近密職在絲綸朝廷舊章

合有論請上期聖造特賜允從輕冒宸嚴無任恐戰之至
史館王相公請冊淑妃何氏爲皇后表 前人

臣某言臣聞乾坤相配所以全覆載之功日月相隨所以
明照臨之道惟王建后惟后助王若乾坤相配以成功若
日月相隨而行道古皇有制歷代皆然伏惟皇帝陛下法
天作聖引古爲師興邦則啓於聰明爲禮必循於先哲然
則中宮以曠陰教罔修伏自累朝遂同廢典四海絕仰觀
之表九嬪無所統之尊誰詠國風空垂易象永惟委墜可
謂因循漢氏以來舊章不易常先立后始可建儲今元良
已視於東朝而柔順未臨於內職旣虛正位莫叙大倫臣
等每奉清光累陳彝憲竊詳眷旨俯鑒愚衷請問守龜必
當告吉掖庭累行詎無白鷺之徵簡策正名宜受金螭之
錫是以敢干旒宸進拜封章伏乞申命有司擇定良日俾
行盛禮自叶至公冒黷宸衷臣等無任懇迫惶恐之至

文苑英華卷第六百八

登仕郎胡

柯

鄉貢進士彭

叔夏

按正

雜上請三

為崔大夫請入奏表二首

為劔南西川崔僕射再請入朝表一首

為益州父老請攝司馬鄧公為真表一首

為益州父老請留史司馬表一首

為益州父老請留博陵王表首 為公卿請復常膳表一首

中書門下請進膳表一首 熒惑退舍宰相請復常膳表首

為宗正卿請復常膳表一首

為鳳翔李尚書請使人拜掃表一首

代河南裴尹請拜掃表一首

請河北遭旱澇州準式折免表一首

代人至渭南縣降服請罪表一首

代人奉御批不許請罪謝恩表一首

駕幸長安起居表一首 代人行在起居表二首

代張侍郎起居表一首

為崔大夫請入奏表

李舟

臣某言臣以久違闕庭歲請朝覲在宣州日伏奉德音且以河南用兵許臣事平入奏尋蒙寵命移鎮浙東臣自至越州旋經歲序瞻戀宸極道路轉遙俯察微躬疾病加劇實慮溘先朝露永謝明時昨者隨表便行冀蒙聖恩昭許續奉進止所在令迴伏迫宸嚴不敢冒進臣防身寡智處衆多尤但恐讟謗之聲日聞天聽浸潤之漸將迴聖慈憂疹相并死亡無日臣管內州郡幸無逋懸兩河之間又已寧靜伏願陛下察臣誠懇許臣朝謁實冀犬馬之疾歸上國而蠲除風波之言仰皇明而昭鑒無任懇迫之至

同前

前人

臣某言臣一昨初承國哀號慕罔極已陳哀懇請赴山陵
伏奉批答上遵遺旨不許奔會立宮甫閉攀扈無由永惟
舊恩實延巨痛陛下自登寶位日月重光百靈昭蘇萬物
咸覩臣限所守僻在海隅遐瞻闕庭未獲稱慶陛下湛恩
兩施大號風行繁徭頓除窮海知化臣管內州郡幸獲安
帖在臣使務必由常規將臨元會之期倍切朝宗之戀伏
願許臣暫趨天闕獲覲龍顏進稟命於聖君退宣風於遐
壤臣死生無恨榮願之至

為劔南西川崔僕射再請入朝表

于邵

臣某言去冬臣知衙事官姚悟迴伏奉手詔許臣入朝臣
自西川一作山軍還理裝撰吉與監軍使孟遊仙等以今月
五日發成都十二日至綿州羅江縣中使馬承倩至又奉

恩旨令臣與遊仙等却迴臣久辭闕庭從事邊塞思一朝
覲如天無階忽遂此行神道所感豈知中路猶阻懇誠揮
涕慙對於三軍結戀詎同於他日臣所行意實不謀身一
欲辯析讒一作戎間兼欲敷陳國要有不可形之翰墨有不
可傳之外人表臣心切唯天而已將士等知臣悃款共憂
家國見臣不行魂氣俱喪臣以迫於所務抱恨南邊固請
監軍便行猶期上訴雖一夫阻命而違衆實難遊仙今於
漢州便發以從諸將之請軍中要務悉以咨之伏乞聖聰
俯遂羣議則冀上輯下睦永無外虞西南艱危再沐清晏
豈臣獨夫之幸實充萬人之幸無任懇迫屏營之至謹附
監軍使孟遊仙奉表陳請以聞

益州父老請攝司馬鄧公為真表

閻丘均

臣聞天工人代安危所存得其情則風化淳厚失其性則

眊庶流離臣等本部益州司馬臣某雅慮忠純貞心剛克
通識人理博綜古言州無牧伯居攝端右靜以鎮撫物情
功乃隱於視聽事益於國家故不可一二而言也臣又聞
寇恂為郡甚得人心將拜汝南百姓遮道漢皇如請竟留
一歲敢緣斯義上犯天顏伏乞陛下憫垂涕之慈惠黎民
之願即其所守除以為真使生人無惜去之嗟孤貧有永
綏之賴則上下咸得中和可期伏表上祈以驚以震

此篇元編在五百七十八卷辭讓門今移入于此

為益州父老請留史司馬表

前人

益州大都督府草莽臣某等若干人謹冒死言臣聞理有
所藉潁川重覩於黃霸惜其不可河南一借於寇恂古之
恩迹今亦宜有臣等出身草莽茂育玄德并飲田食齒老
年衰安全家道傾頓遂天性皆賴陛下聖情恩利惠及蒼生
擇循吏以共康官賢才而俾牧者也臣州佐某官英明興
氣忠志居心該舉墳典猶協文史充美價於一省著能聲
於邦國緹油至止光輔藩維體要而庶政必凝憂勤而自
公知退伏見今日日除節彭州刺史璽函適到熊軾將登
吏人傳聞驚嗟相惜臣聞天地之道每從人欲帝王之義
必順人心所以黎庶安寧上下禔福今此百姓乞留一年
庶得服習其教而易安優柔其道而自得闔闔天遠上祈
猶難伏乞聖慈西睠殊渙中留停已出之旨復如初之望
使析一作折心重至驚魂還歸時雨一霑同養萬物無任瞻
望佇迴之至

益州父老請留博陵王表

前人

臣某言臣伏見陛下睿圖興復寶命惟新救寓縣於阡危
拯蒼生於塗炭凡在戴髮孰不幸甚蜀鄉財產古稱天府

疲弊始西軍之役屢空拯冒賄之夫滿路吁嗟棄親亡散
維貸是視愛養誰能陛下所以惠賜藩王鎮撫梁益因之
傳一作博利期以政成而玄暉至止纔移弦朔除替旋聞臨
筵不暖陛下與而奪之勾萌未達於方春濟舟忽度於中
水天下何謂亡此哀憐今者百姓甚性情於官人貪富疑作
玄暉師恩斯弊遂革美其風而不見其好移其政而
不失其宜且益州者列岳之雄望玄暉者朝廷之忠良明
使是推能術尤急理以才名相副義與隨時不乖陛下何
惜一賢以遺百姓特望俯迴授受留借暮年歷懇上陳馳情
無地瞻帝闈而遐叫佇天睠而西流獲遂丹誠戴恩矐目
無任悃款屏營之至

為公卿請復常膳第二表

臣某等言前以減膳日久憂損聖躬率土迴惶輕陳管見
而孝情凝邈猶未俯同誠不感天增其履薄臣聞先王垂
教以禮制情聖人無心以身從物故能上安七廟下字兆
民譚所以孝治譚莫非斯道伏惟陛下率由過禮至性光前
想終身之憂懷茹荼之酷愆子卯之制淹晦朔之期生靈
皆所不堪聖體必將勞頓貽臣子之危懼忘社稷之宴虞
緬善靡達一作善方招兩失求諸典故兼且未安詢及普
天孰云其可既守高祖之天下為萬國之歡心先當愛身
以寧宗社無宜獨善用杜衆情伏願俯順禮經仰迴天眷
則羣臣荷賴庶品咸康不任懇切之至

中書門下請進膳表

常袞

臣某言伏奉以華陽公主攝和稍類表乖思念所切齋宮
親禱輟膳終朝臣等下情不遑寸刻竊以經時之疾變節
或加分至所臨晦明異狀漸過其後旋即如初頃嘗驗之

多亦然矣陛下以海內之衆子育寧殊豈天屬之間皇慈獨軫伏願忘懷澹慮常膳以時保安聖躬用慰臣下屬茲煩暑尤切懇誠謹奉表陳露以聞無任兢惶迫切之至

熒惑退舍宰相請復常膳表

錢珣

臣某等言今月某日伏奉批詔以臣累陳列宿之間熒惑退舍所宜升臨正殿進復常羞而睿聽彌高羣誠莫遂顧台星之有位居公府以不遑伏惟陛下道合秉陽事皆師古稟天明於垂象察時變以側身克示允恭未忘戒懼考乎經籍實契規摹雖退就卑宮儉惟降食方期應感合舉典彛然而芒角旣收運行已順歷懇亦循於故實拜章敢惑於聰明而玄鑒未開丹心如灼鋪陳無序禪贊失圖伏以大配乾坤重承宗廟執禮必遺於小者推誠皆可以貫之則行正道以臨萬邦不在乎不居法座也布王澤而滋庶物不在乎木食重味也而陛下未嘗不行正道於遐邇布王澤於細微苟行之有絲弘之不已則天惟輔德心實弭災視棟宇而自安御豆籩而何爽敢祈聖鑒必念斯言伏惟俯徇愚誠特允所奏干冒疏宸臣無任

爲宗正卿請復常膳表

前人

臣某等言今月某日伏奉批詔以臣所請復常膳御正殿未賜允許者臣等恭承詔旨竊仰聖謀以爲前史所垂正言可取則應天動人之事實哲王致理之先然臣伏思陛下繼體以來推誠必至友愛之道顯教萬方惻隱之心罔遺一物於王師致討司寇用刑率皆毒被蒸人罪興衆怒救殘虐之極弊懲悖亂之元兇而後効順立功報之爵祿勞心焦思痛在瘡痍屢降德音勤行王道得非應天以實動人以行哉況謫見之後戒懼不遑朝野所知星辰所照

臣庭珪言伏見景龍二年三月十一日勅河南北桑蠶倍多風土異宜租庸須別自今已後河南河北蠶熟依限即輸庸調秋苗若損唯令折租乃爲常式者臣聞皇天無私覆后土無私載日月無私鑿陰陽無私毓是以明王聖帝則而像之慶浹萬邦政敷一德故書曰無偏無黨王道蕩蕩無返無側王道正直伏惟聖朝御曆皇極在人正朔所覃率土奉若百在于茲矣頃於災歲重賦飢人頓革彝典特開變例雖施蠻貊之邦臣愚猶知不可況此兩道枕倚大河南接神州北通天邑郡縣雄劇人物昌阜旣類股肱之地尤宜得其歡心豈可殊其土風異其徭賦不恤災患而殫其財力者即以桑蠶別加徵稅至如隴右百姓羊馬是資山南諸州椒漆爲利其或銅錫鉛錯貨自巖通蜃蛤魚鹽財自海殖土物惟性錯貢作惟錯方隅咸有滂年並無他稅早歲各準常規豈獨斯人外之王度且天災所降年穀莫登在於貧弱或致殍殣生理旣其難恃人心固未易安就其患危載空杼軸窮斯濫矣將無不至臣効官穎服實在河南每見部人衆稱冤苦伏思景龍之際時多賊臣有若宗楚客紀處訥武延秀韋温等蔽虧日月專擅威權各食實封遍河南河北屬當水旱屢致蠲除因而遂矯制命固非先朝之本意也伏願陛下廣天成之德均子育之愛式崇大體追復舊章許河南河北有水旱處依貞觀永徽故事一準令式折免則在蒼生不勝幸甚謹因所部法司參軍鄭玄亮奏滂損謹附表以聞

代人至渭南縣降服請罪表

韓翊

臣某言臣自出邊鄙素無才術頃因寇難累効驅馳遂荷殊私謬膺重寄介於偏僻密邇寇讎備歷艱危得全節義

遼陽移拔趙北掃除皆仗威靈非臣力致幸逢清廓輒自
寬閑麾下不虞舟中生變坐移疑作胎顛沛實愧無謀縱欲粉身
於何塞責陛下念臣微効未即書刑許歸朝廷俾露誠懇
王畿日近聖問存臨雖承雨露恩深其若丘山罪重闕庭
進對臣亦胡顏鉄鉞就誅甘當碎首謹於路側降服而囚
且十年已來秉戎律者其於綏撫或有乖方不待刑章弊
於部曲隱而不數斯輩亦多臣以負罪雖同免罹其禍幸
全甞領伏俟天誅臣之為榮死亦不朽臣無任懇款之至

代人奉御批不許請罪謝恩表

前人

臣某言奏事官蘇翼迴伏奉聖造答表勒臣即復章綬速
赴闕庭捧讀震驚心魂炎越臣某中謝臣智謝統戎罪深
負國奉期死所翻荷生成恩承主偏法為臣屈迴謝九原
之路仰銜再造之功拜命之初不勝抃躍臣即匍匐拜謝
闕庭無任感戴去云

駕幸長安起居表武后時

富嘉謨

臣某言伏承車駕以今日二十二日西至長安臣聞咸秦
奧壤河洛舊區王者是宅因時順動故睿情載佇西瞻邦
土玉勒金根天旋雲被皇輿凱入在藻知歸臣忝葭莩謬
膺垣翰尹京靡託陪鑿遂阻紫宸漸遙丹慊空積伏惟祁
寒在候輦路逶迤法駕就蹕聖躬多祐然後闕天陛而臨
舊都巡卜征而考元吉者也無任悅豫之至謹遣某官奉
表以聞

代人行在起居表德宗時

于公異

臣某言自中使至伏奉手詔後行在所未有人至伏以巴
梁既遠信使全稀路有豺狼時當否閉東征西怨彼雖幸
於南巡捧日望雲臣獨瞻於北極伏惟陛下以重慎為意

以社稷為心每於寢膳類表必盡頤攝况朱明啓夏小暑屆時曾觀蜀漢之風小異咸類表秦之氣尚衣侍膳之分莫敢侵官資父事君之誠空思入面違奉既夕涕戀無從不任之至

同前

羊士諤

臣某言臣以菲才親奉昌運受藩隅之重任類表効犬馬之微誠惟君知臣特受恩獎夙興夕惕榮懼積中臣某謝伏以租稅之殷江鄉為重閭井之化水旱是虞臣職在分憂期於富庶宣陛下雨露之惠令獲小康守朝廷刑賞之規敢思中立條賦斂以辦集除疾苦而均安閉閣齋心仰思類表立造竊以聖慈廣被每念遐方臣忝守官具合聞達

代張侍郎起居表

呂溫

臣某言孟秋猶集作熱伏惟聖躬萬福臣以去月二十一日到薄寒山見蕃胡尚綺里徐等同集作令盈珍等却迴奏事令臣取今月發赴衙帳者伏惟聖德集作柔遠皇明燭幽蕃情大歡首帥知感虔奉朝旨賓禮使臣迎勞肅恭饋餽豐潔益集作嚮化彌表革心臣恭備單車不勝慶抃嚴程方始絕域未窮白日在天瞻仰如近青蒲之地伏奏猶賒感戀彷徨罔知攸措無任犬馬屏營之至謹因中使第五忠憲附表起居以聞

文苑英華卷第六百九

登仕郎胡 柯 鄉貢進士彭 叔夏 校正

進文章一

進文章一編失年代先後

進象經賦表一首

聖製故司空魏徵挽歌詞表一首

為李祕書上祖集表一首 上九成宮頌表一首

上拜南郊頌表一首 進洛圖頌表一首

為朝集使絳州刺史孔禎等進大酺詩表一首

為鳳閣侍郎王方慶進書法表一首

為鳳閣侍郎王方慶進南齊臨軒圖表一首

進神鳳頌表一首

為陳御史進奉和秋景觀競渡詩表一首

進東嶽朝覲頌表一首 進孝烏頌表一首

進喜雪詩表一首 進封西嶽賦表一首

進鵬賦表一首

為陳正卿進續尚書表一首

進象經賦表

周武帝

庾信

臣某言臣伏讀聖製象經并觀象戲私心踴躍不勝抃舞
伏以性與天道本絕尋求直以懸諸日月遂獲瞻仰九州
既莫近對河圖四轍中繩全觀玉策未飛玄鶴先聞金石
之聲不上赤城獨見煙霞之氣置管而測光景愈高沉玉
而觀淵泉益遠寢不自涯課虛為賦詞非寥亮學無雕刻
遂敢陳述誠為厚顏況復日之遠近本非童子所問天之
渾蓋豈是書生所談冒用奏聞伏增流汗之至

聖製故司空魏徵挽歌詞表

唐太宗

褚亮

臣亮言伏見聖製故司空鄭國公挽詞十首詞窮清曲理
備哀傷漢武北管之書更慙追遠魏文南皮之歎取愧悼
亡與辰緯而相暉隨鍾石而俱振魏徵早逢興運譽美當

朝為聖主之賢臣預能官於多士出納通顯憑藉寵私忠誠所到心力同盡而逝水不追清徽永謝樹碑荒隴已叨相質之文哀歌泉路復降高堂之曲事重一時榮流千載臣趨侍學林竊觀春藻不入玉山屢逢盈尺如遊珠水常覩照車慶抃之深唯知舞詠不任下情

為李祕書上祖集表

上官儀

臣某言臣聞漢朝中葉陳農求訪於圖書魏歷初基表渙請收於篇籍遂使容臺增飾冊府載輝雅道照於前古風流被於末裔伏惟陛下睿德緯天神功光表截海班朔益地延圖垂衣視典探羣王之幽蹟虛已緣情動兼金之歌詠由是芸香祕室青簡具陳璧水上庠漆書咸集巨父隋金州刺史元操筮仕登朝官成三代學綜書部思洽詞源雖歲序寂寥微塵無弭河東薛道衡人推才傑范陽盧思道時號文宗並叶契相忘齊聲比價競炫梁車之寶爭摘艱騎之珍而二家文集久蒙宸照獨於目門未汗天燭貽厥之訓在臣宜守獻書之典有國通規今繕寫已訖合若干卷謹詣闕奉進

上九成宮頌表高宗

王勃

臣某言臣聞帝機無朕道洽則時邕靈化不言功成則頌顯伏惟陛下體元纂極模神建隧棟梁三氣庭衝六合松軒夜警香冥姑射之心茅殿晨凝寥廓峒山之駕臣霑風太上庇影華胥仰衢室而無階候襄城而有地雖望卑平叔空勤景福之詞而文謝子雲願竭甘泉之思謹憑天造輒貢九成宮頌二十四章攀紫墀而絕皇叫丹闕而累息臣誠惶誠恐死罪死罪謹言

上拜南郊頌表高宗

前人

臣伏見惣章元年十二月四日詔既清東寇將觀南岳甫資元勳旋窺大典伏惟皇帝陛下黼藻神器銜策眷圖用天老之前機戮防風之後至爲而不恃懸寶位於中宸卑以自居託靈符於上帝禮凝蒼壁瑞溢玄珪紫旻降祐黃祇叶矩微臣學不照古才曠不時窺宇宙之神功覩郊禋之盛節時非苟邁懷雅頌而知歸道不虛行想謳歌而有志豈與夫周傳考室裁稱棟宇之規漢奏甘泉未息嬉遊之諷比興衰於列代較馳驟於同衢而已謹憑天則輒貢拜南郊頌十章文不足竒意有遺美臣誠惶誠恐謹言

進洛圖頌表 武后

崔融

臣某言奉某年月日勅令臣撰洛圖頌伏以陛下聖烈豐懿應期首出珍一作元符炳鑠曠代罕聞雖臯繇歌虞伯禹申歎其或生於今日尚不足以談天況臣涉學蓋淺揆才多陋安可潤色皇化對揚神休竊讀古文幽尋舊式言大道者莫先於典誥序以之生焉美盛德者莫近於詩什頌以之成焉其辭婉而微其事簡而要今臣斟酌前訓擬議鴻猷述洛圖頌一篇并序謹詣宣議一作義門奉進誠未能探索之奧憲章經書庶幾竭肝膽効塵露增日月之末光階天地而不朽斯亦微臣之願足矣臣拜手稽首冒顏以聞死罪死罪

爲朝集使絳州刺史孔禎等進大酺詩表 武后 李嶠

臣禎等言臣聞謠誦必採而風俗可觀舞詠旣陳而德音不泯伏惟金輪聖神皇帝陛下金口屈道璿樞正辰慶徽號於法宮撫懷生於淨國玄猷再闡紫極重光天地合德而同休黎氓改視而易聽萬方欣戴百寮抃舞臣等備列下藩預承大慶三年入計行趨玉帛之禮五日賜酺即奏

雲天之宴觀光靈之赫奕接恩賜之綢繆酬報何階空誓
心而銘骨嗟嘆不足遂抽毫而授簡非効狂而貢斐實有
感而求音同蓋各於二三冀揄揚於萬一并題序引式光
鴻造雖戴天辯日誠不窺於兩童而講德陳詩庶無慙於
四子不量疎野輕敢薦聞繕寫畢功進上如別擊轅之陋
輒造響於雲門化草之微遂馳光於日谷旋顧庸鄙追增
悚汗臣禎等無任

為鳳閣侍郎王方慶進書法表

武后

前人

臣某言奉墨勅令臣家所有書法並將進來但臣家書法
屬隋季亂離並多墜失臣十代再從伯祖羲之書先有四
十餘紙貞觀十二年太宗文武皇帝購求遺迹臣亡父先
臣弘直並將奉進一不敢留今之所存唯有一卷并臣十一
代祖導已下書一秩十卷謹隨狀進上但臣弓冶不嗣堂
構缺然雖奉納楹多逢壞壁亡失之外所餘無幾私珍緹
襲方遺子孫不謂兩曜迴光九霄俯聽曲延採拾遂登旒
宸使千載遺寶重增於光價九泉深隧更奉於恩渥寵
被私門榮霑異代懷恩慕遠感佩兼深臣方慶誠惶誠恐
頓首頓首死罪死罪謹言

為鳳閣侍郎王方慶進南齊臨軒圖表

臣某言臣家有齊帝臨軒圖是南齊袁倩下手所畫私門
傳寶以為妙絕伏惟聖情兼尚睿鑒旁周稽古軼於虞聰
幽求過於魏覽萬機多暇百代可知或厭遊娛儻存觀省
臣暮年多幸得奉休明竊謂珍奇無容隱默近從京宅取
到不獲早以上聞今謹詣闕隨狀奉進輕塵旒宸伏用慙
惶屏營之至

進神鳳頌表

武后

陳子昂

臣子昂言臣聞昔周道昌而頌聲作遂能昭配天地光烈祖宗垂之無窮永為代典伏惟聖神皇帝陛下闡玄極昇紫圖光有唐基以啓周室不改舊物天下惟新皇王已來未嘗覩也臣聞仲尼曰聖人立不得而見之矣又曰舜禹之有天下立不預也又曰鳳鳥不至河不出圖丘已矣夫皆傷不得見大道之行而鬱悒也臣草鄙愚陋生長休明親逢聖人又覩昌運舜禹之政河洛之圖悉皆目見幸亦多矣今者鳳鳥來赤雀至慶雲見休氣昇大周受命之珍符也不稽元命探祕文採風謠揮象物紀天人之會以協頌聲則臣下之過也有國彝典其可闕乎臣不揣固陋輒獻神鳳頌四章以言大周受命之事誠未足以潤色鴻業揄揚盛美亦小臣區區丹慊文粹憫之至謹詣洛城南奉進塵冒冕旒伏表慙惶云云 天授元年

為陳御史進奉和秋景觀競渡詩表武后前人

臣某言臣伏見去月日御製秋景務餘聊觀競渡故陳先作式佇來篇凡六韵天文爰降品彙咸亨金簡潛開珍圖斯見臣聞白雲興詠漢遊汾水之詞黃竹申歌周舞瑤池之駕然而志崇遠轍事式集作勞入故文思之化未光太清之道猶傑作闕伏惟聖母神皇陛下大虹齊聖感月含神立德茂於皇階文明照於天下用能提玉斗把集作璇衡百神景從三靈叶贊青雲出洛爰開受命之符赤甲榮河終御興王之寶非窮神之至德者其孰能格傑作於是哉既而黃屋務閑紫機時暇洞庭張樂思接軫於軒遊媯水披圖想同參於堯輦然而遠而勞物者未若近而安人動而勤已者豈比靜而神泰於是徙金蹕鳴玉鑿清禁林御池殿肅波臣集作而戒事命舟子為水嬉彩鷁蓮歌乍

起吳江

集作江吳

之引青龍桂檝時謳越女

集作時

之風鳥逝

蚪

集作蚪

驚沸珠潭而競逐雲飛電集橫玉浦而流光信可

以娛樂性靈發揮文物皇歡允洽白日俄光於是奏薰風

於管絃詠叢雲於林籟帝歌緩作天藻遐集作彰黼帳帷

宮縟文房之綉綵祥煙

集作雲

瑞景霏翰苑之榮光信探蹟

集作道

於立包得斯文於紫極太平允矣元首康哉方欲朝

明堂之宮輯

集作受

羣后之瑞尊崇顯錄

集作號

光啓聖圖封

玉嵩立以接千年之統泥金少室攸增萬歲之規卓哉煌

煌聖君之表也微臣曲學蓬戶竊位蘭臺未聞驄馬之謠

非有雕龍之思鞠躬霜署謬覩於天章逖聽鈞臺側聞於

帝樂天文尊貴不遠於下臣帝寶殊集作珍崇曲宣於近貴

竊以為君唱臣和固不隔於尊卑宮變商從方允諧於金

石輒用齋心扣寂假翰求詞將以攀日月之末光繼螢爝

之微照不勝云云

進東嶽朝覲頌表 玄宗

蘇頌

臣頌言臣學不淵博詞蓋實滯陛下過聽被恩最久喜觀

封岱增天帝王壯觀臣以宗伯秩禮陪清道之輿臣之幸

一也又伏覩自天垂象銘岳昭訓臣以有司上載封禪一作

封之烈臣之幸二也臣再三之幸萬百常情臣其中謝臣

東京奉旨竊聞刻石三頌臣草一敷聖主之立猷次紀宰

臣之鴻筆斯事至大咎繇吉甫之難也臣自料度不勝惶

悚而議者謂臣光榮之至死且不朽臣所羸疾翳然言罕

能述終愚臣極思慮罄肝膽而為之伏希演修德之

符非敢助親文之化儻以潤色鴻業一蒙睿覽則臣之至

懇萬殞知歸輕塵冕旒若寘冰谷無任區區戰灼之至

進孝烏頌表

楊譚

草莽臣譚言臣聞自昔皇王撫運提象天錫禎應以光盛業臣伏見以為至道有孚能招異類深仁所協克順天心陛下孝理天下孩視羣動恩被羽族感通陽精雖器車馬圖洋溢祕府而黃龍丹雀委積近郊此或為常不甚專美豈如孝烏俯爾營巢不懼不驚以育羣子臣幸逢昌運好覽休祥萬古珍圖安能有此百代良史未之前聞況宿肅一作穆紫宸曉夕嚴警會弁星列爪士雲屯燕雀飛梁無相賀之所魚龍在棟成駭目之觀唯此孝烏晏然能馴明陛下深愛子物之慈表皇太子歸哺報恩之孝首出象疑作瑞莫與之齊謹按符瑞圖云宗廟肅敬則烏至昔范覽對蜀主言慈烏知孝誠養之禽必有方懷惠而至者陛下聖策遠備威震遐戎略地攻城無歲不克巴蜀之外今斯獲醜慈烏効祉可謂有徵加以遠降日輪近巢天宇據北辰以永固豈南飛以遠枝自古攸傳無聞此瑞願陳不朽垂裕將來謹獻孝烏旌德頌七首雖論揚之美有愧於清風葵藿之心無忘於捧日謹投延恩匭奉表以聞冒觸宸嚴伏增戰越臣譚誠恐頓首死罪謹言

進喜雪詩表

李邕

臣邕言一昨瑞雪憇期農人沮望陛下以億兆勤慮倉廩貽憂禋祀玄冥祈禱黑帝固能至誠應物聖德動天朔雪下於龍山海神朝於鳳闕是以途歌邑舞野慶朝歡荷一人之渥恩為四海之膏澤臣仰思揚化伏念輔時雖力減鴻毛而情殷鶴立無任喜躍慶賀之至謹昧死詣金闕門陳表貢詩一章臣邕誠惶誠恐

進封西嶽賦表

玄宗

杜甫

臣甫言臣本杜陵諸生年過四十經術淺陋進無補於明

時常困於衣食蓋長安一匹夫耳頃歲國家有事于集作

郊廟幸得奏賦待制於集賢委學官試文章再降恩澤仍

猥以臣名實相副送隸有司參列選序然臣之本分甘棄

置永休始望不及此豈意頭白之後竟以短篇隻字遂曾

聞徹宸極一動人主是臣無負於文少集作多病貧窮好

學者也集作在臣光榮雖死萬足至於仕進非所集作望

也日夜憂迫復未知何以上答聖慈明臣子之効況臣常

有肺氣之疾恐忽復先草露塗糞土而所懷冥實孤負

皇恩敢據竭憤蕪領略不則作封西嶽賦一首以勸所覲

明主覽而留意焉先是御製西嶽碑文之卒章曰待予安

人富國然後徐思其事此蓋陛下之至謙也今茲人安是

也集作今茲國富是也集作况符瑞翕習福應交至何翠

華之脉脉乎維嶽固陛下本命以永一作嗣業維嶽授陛

下元弼克生司空斯又不可以寢也集作伏惟天子霈然

留意焉春將披圖視典冬乃展采錯事日尚浩闊人匪勞

止庶可試哉微臣不任區區懇禱之極謹詣延恩匭奉表

進賦以聞臣甫誠惶誠恐頓首頓首謹言

進鵬賦表已見一百二十六卷

前人

為陳正卿進續尚書表玄宗蕭穎士

臣某言臣林莽介賤幼而強學竊聞諸大易之說曰觀乎

天文以察時變觀乎人文以化成天下夫察乎變者立德

以貞其象成乎化者立言以贊其功故太極列三階五緯

於上聖人著三墳五典於下至哉文乎天人合應名數指

歸之大統也今之言文字者始於太昊徵訓典者本於唐

堯振頽綱者孰若漢朝興盛業一作者莫如聖代是則太昊

朕之軒轅章之唐堯祖之虞舜述之漢高作之光武維之

祖宗開之陛下因一作固之臣愚以為太昊至于一作於我高

祖太宗軒轅至于一作於我開元聖文神武皇帝陛下稱廣

運者四代繼成功者四君咸宜布昭眷典光熙德政矣然

則伏羲創文籍黃帝立史官太古淳奧權輿朴略至陶唐

氏而後大備故孔子美之曰堯之為君也煥乎其有文章

由是叙帝王之書首唐虞之典於堯則曰欽明文思於舜

則曰誕敷文德文之時義大矣哉夏商已後德弗及舜仲

尼一作雜雖一作雜目其書而不為典言未能察變成化比唐虞之

際也何則夏之興也泣辜殊於政一作至理殷之興也慙德

乖於雅樂周之興也謂武微於盡善其不為帝典宜矣陵

夷僭亂以暨暴秦刻亂墳籍鼓鼙非庶王者之風殄矣先

王一作生人之道窮矣天之未喪斯文也故帝道復興於漢家

數百年中一作間而憲章具舉夫其推步律歷帝堯分命之

典也增修封禪帝舜時巡之義也約三章之法以正咎繇

之刑班四時之舞以續一作續后夔之樂臣竊觀一作觀三代

之作貽範垂訓體國綏人雖載祀縣一作延長德澤深遠皆

因循轍迹故弗易其事孔子曰殷因於夏禮周因於殷禮

所損益可知也未有踵七雄交爭一作戰之末繼六籍焚如

之後帝典缺而更張淳風醜而載洽若夫漢氏之難者也

八字一作若且義帝之喪三軍縞服異夫湯武之放弑其

君矣諸呂之卻亂一作亂浹辰底定異夫羿浞之驟移其祚矣

中興之盛華戎率服異夫吳楚之僭竊其名矣夫如是有

漢之美固可以肩虞后千載一時之運歟曹馬以還曾何

足擬四分五裂朝成暮敗其間雖晉平吳蜀隋舉梁陳混

并未幾危亡存及法令不足以禁齊人聲明不足以垂後

裔其於帝道踈矣又況乎南遷淮海北起胡一作獯戎者邪

茲又二朝之不若也臣聞乾道運行否終則泰上帝有以
輔文明之哲后表光宅之休期必將乘喪亂之極繼驅除
之運故有周之末禮樂崩壞連橫合從俱非正朔則秦氏
略定而漢代以興在晉之亡寓縣崩折南吳北虜各擅名
號則隋氏削平而聖朝以作此天意也不然何秦隋二葉
而亡也若彼唐漢一家之盛也如此於赫盛唐正百王之
闕思文陛下光五聖之嗣啓運應期之符弔人伐罪之義
制禮作樂之本郊天禪地之位萬庾三登之攘河海晏清
一作河清海晏之瑞舞七旬而殊俗格歌六律而薰風至故已一作
騰子姒而絕景挹媯祁而高議矣又何東晉後魏梁陳周
齊之足道哉誠宜詔史官一作敷帝載炳唐虞之故實黜
遷固一作商彫之遺制矣漢氏已略之於前皇唐復曠之於後
臣實惜焉知而不述則臣子之罪也臣誠一作愚淺陋一作無

卷之十

多卷之十

十

庚

竊不自揆敢緣聖朝稽古之道陛下文思之德耕牧餘一作

暇輒復著書討尋載籍于茲一紀謹上今文四字一作

續尚書一部凡若干篇卷始有漢二典次我唐二典以續

夫前書堯舜之典也其餘文景明章之後魏晉宋齊已還

南訖有陳北起元魏歷周隋洎夫高氏以至聖朝惣一十

三一作代詔策章疏頌歌符檄忠臣之正議武士之權謀

類而刊之次以年代以續夫夏商周秦魯之篇也臣聞古

者右史記事左史記言舉其大略前書之義備矣孔聖沒

而微言絕暴秦興而挾書罪雖戰國遺策舊皇早駁亂於

從橫漢臣著紀新體互紛一作於表志其道末者其文雜

其才淺者其意煩豈聖人存易簡之旨盡其夷之義也昔

文宣修帝者之書究三王之季臣性非天縱學異人師稟

生何幸親逢帝一作聖代此皆文武聖皇之遺旨臣愚曷足

以知之何者臣嘗伏讀貞觀實錄昔太宗因聽政之暇觀覽尚書謂侍臣曰朕每庶幾一作希唐虞亦欲公等齊肩稷契又曰今數百年外讀我國史豈獨窺兩漢哉臣故知有漢之功業與我唐之化理俱可以繼夫唐虞之盛也伏惟陛下玄德昭升至仁廣被迺二十一年正月制曰各勵精一作志共興玄化俾蒼生登於仁壽天下還於淳樸愚臣緬述太宗之旨伏思一作准陛下之詔固非一作宜取類於三代之間也勒成帝典不亦宜乎陛下睿思雄飛宸章間發質文一變風雅大興臣聞水之細者江海假其深材之短者棟梁資其峻陛下必謂臣所著小有可觀賜以召見闕庭一垂試問臣採摭之外亦以學文縱不能光揚盛美猶庶乎細水短材之益則聖旨之含容大矣臣之誠願畢矣

一作皆文粹

文苑英華卷第六百十

登仕郎胡柯 鄉貢進士彭叔夏 校正



景定元年十月廿五日

裝背臣王潤照管訖

